

# 亞洲文叻明協會出版

民國八年二月創刊

(每三月一次出一日出版)

# 時事旬刊

第八期

第二年

## 本期目次

### ●巴黎和議記

一至一〇

▲土耳其問題

▲亞得利亞問題

▲歐洲經濟救急問題

▲國際聯盟會消息

▲附我國專使團會議紀錄

### ●歐美事情

一一至四〇

▲俄國方面

▲中歐方面

▲巴爾幹方面

▲法國方面

▲英國方面

▲美國方面

### ●日本事情

四一至四八

▲政治方面

### ●國內事情

四九至五六

▲俄滿之平息

▲吳師撤防問題

▲戰後經濟調查會之改組

### ●譯述

五七至六二

▲外交上之波斯

# ●歐戰全史下卷出版延期廣告

## ▲要購預約券者注意

本書下卷計分十四篇十萬餘言內容較上卷尤爲精富定價大洋一元五角預約祇收大洋一元本定本月內出版現因事故延緩至本年四月底出版如欲預約者仍可到下列各處購券但祇截至四月十五日爲限

亞洲文明協會啟

北京順治門外大街亞洲文明協會

漢花園北京大學出版部

琉璃廠中華書局

## ▲售預約券處

上海望平街時事新報館

福州白水井健報社

# ●巴黎和議記

且生

## 一 土耳其問題

去月倫敦總理會議關於土耳其問題已決定保留君士但丁並由各國共同管理達達捏斯及勃斯費拉兩海峽。但聞共同管理之國日本不與其列。換言之即日本除外於共同管理達勃兩海峽。此次日本之除外并非出於自動乃為各國所排斥故日本之珍田大使於上月二十七日之總理會議席上曾將日本亦應加入於國際管理之理由陳列於衆。其所據之理由為日本軍艦於戰爭時期中在地中海之功績及過去與將來日本與黑海沿岸之南俄貿易上之關係。聞總理會議對於日本之要求尚未答覆須俟慎重審議方能決定云。

惟土耳其領土處分問題雖經解決非各地回回教徒蜂起即印度方面之回教徒亦開大會決議警告英政府謂土耳其問題必須依宗教見地解決方無後患並謂如欲鞏固印度方面勢力亦惟有使土耳其免瓜分之禍云。英國對此亦頗窮於措置加以阿爾孟尼亞方面亂事尙未平靜據英國大使報告小亞細亞形勢異常危急并聞最近概算阿爾孟尼亞人之在麥拉斯及安特烏兩處被土耳其人虐殺者有一萬五千人之多。各國總理遂於本月十日在倫敦會議討論保護阿爾孟尼亞人及其他小國人民之各種辦法。據倫敦十一電訊謂最高會議業已布告即行占領君士但丁及歐屬亞屬土耳其境內各重要行軍地點並敦促美國協同保護阿爾孟尼亞云。

## 一一 亞得利亞問題

前有美國大總統威爾遜氏因關於亞得利亞問題英法狗意大利之請欺凌南斯拉夫過甚曾兩次提出抗

議措詞異常激烈。最後英法兩國不得不極力讓步。遂由奧首相魯意治法總理米爾蘭會同致函答覆威爾遜總統。聲稱撤回十二月九日與一月二十二日所提出之辦法。並謂張此問題應任意大利與南斯拉夫兩方磋商自為解決。(以上見本報)茲據華盛頓三月八日來電謂威爾遜總統對於英法此項提議業已表示為保留的贊成。蓋威氏之意謂意大利與南斯拉夫若贊成將非麥完全與彼等分離置之。國際聯盟管轄之下而拋棄前日所抱一種設立緩衝國之理想。與限制此種自由邦之擬議。則彼亦贊成。關於境界之分割由意大利與南斯拉夫自為解決之威氏又言前日兩總理提議將去年十二月所擬解決此等問題之換文完全撤回。彼實不能贊同。又言彼今日雖贊成關於劃界問題由意大利與南斯拉夫自行解決。惟此等辦法亞爾孟尼亞與奧大利則不包括在內。並力言美國不能贊成倫敦條約之實行。及希望以後協約國不宜採用美國所不能贊成之辦法。云。聞最高會議已討論威氏此次之答書。而意大利與南斯拉夫已着手直接磋商亞得利亞之問題。云。

### 二 歐洲經濟救急問題

倫敦九日電云。最高會議為達改良歐洲經濟困境之目的。擬發出通牒勸告各國裁減軍備。至僅足以維持國家安寧為止。並謂國際同盟須議定裁減軍備辦法。使各國遵行。各國國際貿易之制宜立即恢復。或大加擴充。各國政府與人民宜鼓勵輸出與改良機器及交通事業。並杜絕人民增高物價以圖厚利。政府宜厲行節省糜費。務使收支適合。並量人民財力增加賦稅與發行短期公債。漸次減少市面上之紙幣。及立刻停止發行紙幣。各國中現在有無財力購買外國生貨以為製造熟貨者。當設法使其貸借外資。凡協約國對於生貨之分配與採辦。當彼此磋商和衷共濟。至於昔日遭亂地方如法國北部等。對於歐洲經濟之恢復實居重要之地位。當早日救濟。不容遲緩。然對於歐洲今日經濟之困窮。與德國賠款不能即日到手。故認為所能為。

計者。只有發行債券、以德國賠款作抵。而前日會議所議決對於發行新債之限制於此不能適用云云。關於允許德國發行外國債券之案、聞已交付賠款委員會討論云。

#### 四 國際聯盟會消息

第一二兩次國際聯盟理事會在巴黎倫敦開會情形、已誌前報。聞第三次理事會決定於本月中旬在京羅馬開會、討論案件為戰後國際財政救濟策及巴爾幹各未了事件云。

國際聯盟形勢、近頗有發展之現象。美國已有加入聯盟之傾向、瑞典、挪威、荷蘭等國亦決定加入、並聞我國當局亦有主張加入之說、且擬派國際聯盟代表二人或三人、陸徵祥、顧維鈞及王廷氏均有派充該項代表之希望云。

又關於設立國際裁判所一事、聞各中立國(即荷蘭、瑞典、挪威、丹麥、瑞士等國)之代表會議已自上月十六日起、至二十八日止、在荷蘭之海牙開會決議案、其要點如左。

- (一) 國際、仲、裁、裁、判、所、之、裁、判、官、各、國、均、為、平、等。
- (二) 國、際、仲、裁、裁、判、與、內、之、司、法、裁、判、之、觀、念、全、然、不、同。
- (三) 國、際、裁、判、對、於、政、治、的、關、係、絕、對、超、然。

#### 附我國專使團會議記錄續前

▲第十四次會議錄 (八年二月十一日八時半在顧全權寓出席者陸總長王全權顧全權施全權魏全權胡公使顏公使唐中將嚴參事岳密書長)

(一) 顧全權報告關於膠澳租借地膠濟鐵路及德國在山東所享他項權利各問題、已將提交大會節略擬好、其大綱分為四部、(甲)山東省內德國租借地及他種種權利之原始與範圍、(乙)日本以武力佔據膠澳租地之緣起與範圍、(丙)中國要求歸還之根據、(丁)歸還

中國應直接爲之之理由、茲將全文印就、請求評論、並謂丙丁二部係根據前次出席所說之要端、詳爲發揮、甲乙二部僅敘述歷史、其乙部於日本當時佔據膠澳及膠濟鐵路情形、言之雖詳、而措詞求格外平和、蓋該部用意僅在敘明事實、似不必用爭辯之詞也、不知諸君以爲措詞太和平否、胡公使謂敘述事實、誰也不能挑剔、王全權謂其中關於二十一條問題、措詞尙覺太輕、顧全權謂該說帖專論山東問題、對於二十一條事、先作伏根、似已足矣、將來應專提二十一欸問題時、盡可詳言之、衆以爲然、(一)顧全權謂討論附件中將中日兩國關於山東省之條約換文及日本違犯中立各種密件、均擇要提交大會、以作乙部所述之證據、不知諸君以爲有無妨碍之處、魏全權謂當然提交、王全權謂此事既交大會評論、自應和盤托出、俾他人得知底蘊、(二)陸總長提議滿蒙鐵路問題既不在內、應否聲明、魏全權謂可以不提、王全權謂山東問題、不過二十一條內之一部分、二十一條之事、將來尙須請求大會評論、彼時再將滿蒙鐵路問題提出、施全權謂似應加一句聲明、隨後可補送他件爲是、顧全權謂加一句亦有流弊、恐人謂我所送文件、既屬不齊、可待文件送齊後、再將該問題討論、若是反有延擱之虞、施全權謂不加一句、恐某國指摘、王全權謂先將山東省問題提出、不必提滿蒙、顧全權謂用口頭說明何如、施全權謂用口頭說明、照英國例、不能作數、王全權謂此次提案、既全屬山東問題、山東以外之問題、不妨另提、施全權謂據我個人之意、總應提一句、以留餘地、顧公使謂部電或日內可到、稍待何如、施全權謂可否往詢美國 *Cornelloye* 與之一商、顧全權以美國方面口頭說明已足矣、

▲第十五次會議錄

八年二月十三日十二時十分出席者陸總長施全權魏全權胡公使顏公使岳密書

長(一)施全權報告接羅代辦電爲禁煙事(二)胡公使交出俄 *Ustinov* 外務總長 *Metelkova* 送來

英外部及駐英日本大使承認(一)暫時獨立函件(二)顧公使報告前在丹麥時曾爲禁煙事函至美

外部藍辛茲由丹館轉來藍復函據稱禁烟事如有機會極願提交大會討論等語即將藍辛來函交與施全權併案辦理

▲第十六次會議錄 八年二月十一日二時三十分是日開會兩次出席者陸總長顧全權魏全權顏公使唐中將嚴參事一顧全權提出關於山東問題交大會英文文件（說帖附件及地圖）謂所擬此案文件十一日晚已付油印分送討論過一次矣以諸君均屬贊成擬稿通過故即付繕錄現經繕正茲提出請付一讀後正式通過以昭鄭重諸君如有意見請發表繕稿仍可更正魏全權謂對於文件已無異議所研究者送美英日三國委員及送大會前後之手續顧全權謂附件共計十八件將十八件事由朗誦後問有何意見嚴參事謂送日本委員處之一份是否全送魏全權謂送全文陸總長謂送全文魏全權謂先送美國一份已無疑意次英國惟中英與日英關係如何須斟酌若送去太早有無窒礙顧全權謂總長已面允英國委員在前則先送一份似無問題惟送日本者究應送全套否陸總長謂送全文亦好顧全權謂送全文恐生枝節日本代表見我擬送附件若是之多如請我將關於中立等件不送我如何能對付陸總長謂日本僅以四件送我接洽我亦可挑送數份不必全送顧全權謂應否用印魏全權謂希臘係簽字顧全權謂如此送去應防插換魏全權謂用火漆將結紐封好唐中將謂送去之後應再向各方面接洽

▲第十七次會議錄 八年一月十四日出席者陸總長王全權魏全權胡公使顏公使唐中將岳密書長一是日無議決報告事項

▲第十八次會議錄 八年二月十五日十二時廿五分出席者陸總長顧全權魏全權胡公使顏公使唐中將嚴參事岳密書長一嚴參事報告本日十一點一刻住日本議和全權委員處送本處提交五國會議關於山東鐵路滿蒙鐵路及由山東發生各問題文件三件先請見日本全權牧野君嗣因牧野無暇接見由日

本全權駐義大使伊集院代見當將文件遞交并稱係奉總長訓令將此項文件送交貴處一閱伊接受嗣後日本全權駐英大使珍田君亦復出見珍田君問此項文件貴處係定今日送會抑明日送會答以不知伊集院君云此項文件貴處必由漢文譯出本處亦帶有日文案卷應先校對當請其秘書某君某君出視云非一時所能校畢珍云俟今明日本處將此項文件校對完竣後再派員赴貴處答覆並稱中日兩國前有約定凡交會文件必由兩國全權委員先行接洽等語答以不知彼云閣下不知陸總長必知請歸報陸總長遂辭出願全權謂究竟政府有無與日本約定之事陸總長謂未必有據我看來此項譯件本不能作為定本送去後如查出有不對處儘可聲明修改如不送去恐將來更多窒礙願全權謂前月英法報上載有總長過日本時曾與日本政府接洽對於和會之事中日兩國一致進行此必係日本私囑報館登載用意甚深想美國報紙上亦必有此說陸總長謂過日本時與彼政府往來全屬禮節上之周旋並無何種接洽魏全權謂口頭談話本無憑證但不待日本答覆直行提出以臆度之究有何種最後之結果願公使謂現在如不送會譬如下午或明日日本人來答復認為同意最好如有不合處可改則改倘伊指出一二條不贊成提出彼時將如何辦理願全權謂當初送日本之意本不過為手續上之圓到並不待其答復就使政府果有與日本口頭預約交會文件必兩相接洽而後行所謂接洽二字亦有界限將文件送彼閱看即可謂之接洽不得謂接洽二字即須得其同意也陸總長謂此事橫豎不能向日本討好現在會中協商各國均與我極表同情若我不能堅持半途軟化是人方欲助我而我自己束縛失國際上之自由將來對於協商更有何面目請其援助兩害權其輕總以送去為是請岳君下午五點鐘送去（二）願專使報告國際聯合會討論憲法草案業已報告至第四次為止第五六七八四次亦已連日趕辦膠澳問題底稿不能到會報告僅隨時面陳總長電部諒諸君均已閱過發電接洽矣十三日開會兩次為第九終十次憲法二十二條完全通過更加五條為英國所提議共

爲二十七條，惟最後發表之草案，仍止二十六條者，因刪去憲法內關於宗教自由一條，當時日本全權對於此條，提出一修正案，欲加種族平等一條，其意蓋欲消除黃工之說，英國委員起言，略謂如加入此條，恐英美兩國人民必有許多之疑慮，於本會成立之根本，大有妨碍，說畢，其他各代表均默然，緘口不言，日本全權珍田氏，以目視本席，本席起言，謂對於日本全權所提之修正案，中國政府與人民，均極所關心，諸君亦可料及，本席對於日本代表提議修正案之精神，自表同情，惟未奉政府訓示以前，請以本席對於此問題發言之權，留待日後云云，本席如此措詞，一以此事關係我國最鉅，在原則上，不能不爲將來留一發言之餘地，一以中美感情頗佳，尤不能在目前爭論此端，蓋日本之意，不特欲消除黃工之說，并欲借此問題，以打擊中國與英美兩國之感情，故本席發言，不能不四面顧到，散會後，日本秘書復來詢本席所發之言，筆記而去，伊必電告政府，當防日本駐華公使往探我政府口氣，應電政府接洽。（三）顧全權報告十四日出席平和大會情形，此次開會宗旨，專爲宣讀國際聯合會憲法草案，開會後，主席即請美總統演說，美總統報告國際聯合會憲法草案，十四國代表完全通過，此十四國代表，可以代表一千二百兆人民，於是朗誦全文，誦畢復演說，大致謂憲法草案成立，可預視全球之幸福，希望將來協力進行云云，英美兩國委員演說，均稱此次國際聯合會討論憲法草案，極爲公道，可爲世界和氣成祥之預兆，法國代表演說，對於草案大綱，亦極贊成，惟法政府看法尙嫌不足，應加入國際軍備會國際稽查會兩條，庶草案更爲完備，英國工黨代表演說，亦稱組織國際聯合會，必造成一種強有力之會，希臘代表演說，謂做到何地步，是何地步，日本代表起言，謂現在固非討論之時，惟組織國際聯合會，資爲樹百年和平之基礎，日本將來擬提出修正案，再行重加討論云，最後本席亦有演說，其演說詞附見另紙。

附一九一九年二月十四日巴黎和議全體大會顧全權演說詞，鄙人聆同事諸公揄揚威大總統所提出之

報告、深為愉快、吾中華人民於國際聯合會之成立、想望既為最切、故於國際聯合會專股之卓著進步、欣慰自亦最深、此次和會所代表之人民、即他日聯合會所包羅之人民、鄙人既代表其全數三分之一、則於所擬法宜有以贊一詞焉、憲法草案各條、其實際固足以使人興起、即所以構成草案之精神、亦何不然、蓋皆持平友善同心和衷之精神也、鄙人忝列專股股員、得一與於股中之討論、故今日午後大會、歸功於該會之振作精神、草成憲法、鄙人亦可為佐證也、此次幸有威總統、以巨材率領其餘股員、悉心協助、國際聯合會之憲法、遂能經專股全體同意而得有草案、有憲法實行以後、可以防禦國際之非法行動、而保證世界之和平、曠古以來、人類無日不思趨於永久和平之目的、今專股成功之速、可證目的之又近一步矣、國際聯合會之組織及其發展、中國當無時不樂引為己任、與各國相助為理、蓋國際聯合會將成為人類自古以來至大之機關、鄙人竊有此想焉、

附嚴參事見日本全權問答 嚴參事原稿 八年一月十五日上午十一時一刻嚴參事鶴齡奉陸總長命隨帶濟順高徐草合同譯文英件一件、關於解決山東問題七年九月二十四日章公使與日外部換文章使去文一件、英文滿蒙西路七年九月二十四日簽字草合同一件、英文赴Hotel Dore nree 見日本全權、因牧野男爵無暇、由伊集議全權接見、珍田全權亦在座、嚴云、上次承牧野男爵禮貌、將貴國全權將送五國會議之密件抄送通知陸總長、陸總長深以為感、今陸總長命齡前來、亦將同樣之禮貌、報答貴國全權、珍云、貴國之密件、今日送乎、明日送乎、嚴云、余尚不知、伊云、想此英文由漢文譯出、嚴云、是由漢文譯出、因五國會議、譯英文較為方便也、伊云、閣下可否將此譯文留在此間、俾與原文一校對、以免日後之爭執、校畢後、當即派員赴貴館答復、嚴云、留在此間儘可、惟聲明者、今日送此件來、是一種禮貌、伊云、禮貌二字、不能贊同、此是商量日中兩方如有送密件之時、當互相接洽、此種辦法、兩方均應受之、拘束非獨貴國一方然也、閣下

知之否、嚴云、貴全權所言、余甚明瞭、惟所謂商量與拘束二層、余未知何指、伊云、陸總長必知之、可否請向報  
陸總長、嚴云、總余願將貴全權之言、回報陸總長云、



# 歐美事情

W P F 生譯

## 一 俄國方面

(一) 西伯利亞最近之形勢 西伯利亞方面詳細情形業經屢誌本刊茲再將續得消息彙誌如下。

### (二) 阿穆爾省之近況

阿穆爾省新黨甚多。時常毀損鐵路橋梁。舊黨及日本不能防止。自伊爾庫斯克陷以後。新黨聲勢益振。人民亦苦於戰爭。渴望平和。乃由自治會發起。召集各村鎮代表。共謀解決時局。地方官知民意難違。勉從其請。原定一月二十八日開會。乃屆期日人忽出而干涉。並令俄人派警阻止各代表。不令入城。民情憤激。省長知事不可為。於二月五日。攫款潛逃。省自治會。城自治會。哥薩克。及工黨。各舉代表四人。組織臨時委員會。舉樸司德維赤為委員長。翌日因哥薩克營中。有一軍官與兵士口角。將兵士槍傷。兵士大憤。意欲譁變。臨時委員會竭力勸止。兵士要求將政權交與新黨之兵工會。臨時委員會勢力本甚薄弱。即日移交。現阿省政權由兵工會執掌。首領為士洛夫。若谷里為外交委員長。各機關一仍其舊。除一二刑事嫌疑之官吏。交法庭審理。及不洽輿情之酷吏潛逃外。餘均仍舊供職。性每機關派一民黨委員監督而已。至於經濟。則取監督主義。廢除原來布黨之共產政策。蓋破壞時期。新黨利用當時人民憤恨專制政府之心理。以共產二字號召貧民。及事成。功力圖建設。知共產主義不能適用。故對於私人之大工廠。反竭力保護。遇有投機壟斷。及其他不正當行為。則將不應得之利益。收歸國有。而財政上則廢止一切間接稅。僅就資本額徵收直接稅云。

日人援助舊黨。剷除新黨。日軍復處處干涉內政。攘奪權利。俄人厭亂。歐美各國均取觀望態度。而日人仍挾制舊黨。不令議和。至一月二十八日之會議取消。不獨新黨憤恨。即希望平和之社會黨亦表示反對。及新黨

執政。要求日人撤兵。日人雖經應允。然遺恨未消。阿省人民組織抵制日貨之聯合會。宣言不與日人貿易往來。凡備於日本商業及軍政機關者。一律罷工。沿途馬車貨車。不准裝載日貨。故日人知形勢危險。商家及娼妓。均遷避華境。或回國。我國雖武力不及他國。然國際頗講道德。俄國內亂。我國嚴守中立。向不干預內政。俄人知我無野心。毫不疑惑。且阿省之工商業。全恃華僑。華僑待人公平和藹。故俄人對於華人。極表親善。並希望中國資本家投資於俄。振興實業。新黨對於華人。尤為親善。執政不及旬餘。已將阿省對於華僑之苛例。廢除殘盡云。

(二) 布黨擬設立緩衝國

哈爾濱消息。布黨欲暫時休養。從事內部組織。現決定不向貝加爾湖東部進攻。已與伊城之革命黨開始磋商。設立一緩衝國。Buffer State。以隔斷遠東諸國與布黨之接觸。據布黨意見。布黨東部以薩龍加 Selonka 河為界。而緩衝國之軍隊。須由布黨統率。其政府人員。布黨得派二人。或三人參加。而革命黨方面。則謂布黨方面。須以葉尼塞河為界。其緩衝國之軍隊。完全為革命黨指揮。雙方磋商。尚未決定云。

(三) 哈爾濱之大紛亂

哈爾濱十一日電云。本地政治的與社會的各種團體。開聯合會議。致最後通牒於霍爾瓦特將軍。略謂本會議代表中東鐵路工人意思。要求將軍將管理該鐵路公司之職權。與其保護俄民動產及政治上之權力。一律交與地方議會接收。如將軍不能於今日(十一)上午十一鐘以前承諾此項要求。則本會議將宣告各工人舉行全體罷工云云。聞霍氏現尚無允許之意。因此人心異常恐慌。中國官吏已預備如有騷亂發生。即把守該城。以防意外。又電云。最後通牒。已屆期滿。未見答復。全體罷工之事。現已實行。中東鐵路大多數人員。皇皇然如大亂之將至。已停止辦事。各舖戶一律閉門。在波里斯頓之工人。如蓬團聚。中國官吏。已加派巡警。

防守。但各街道時見有赤旗。汽車飛馳。發散傳單。鼓吹官吏加入平民運動。以抵抗霍氏秩序。頗為紊亂云。

(2) 勞農政府之媾和消息。邇來聯合國對俄媾和問題大有進步。倫敦大使會議。英意兩國已表示贊成。與布黨言和。法日兩國雖略有異議。亦不過是表面問題。英美方面既經同意。彼等亦不能不容納。聞其媾和之第一步。係先從通商着手。此層英法美意均已暗中實行。日本閣議近亦有此項之決定。而勞農政府方面對此亦極力進行。不遺餘力。聞最近已提出具體的條件。其詳雖不可得而知。大概不出下列數種。(一) 承認從前之借款。(二) 廢除從前之密約。(三) 承認各地之布爾塞維克政治。(四) 西伯利亞方面完全撤兵。不得再加干涉。據日本方面傳說。日本政府現已接到勞農政府之提議。並謂勞農政府對日條件中有承認日本在極東之特殊地位與利益云云。此說果確。吾人應特別注意。至於聯合國方面所提條件。除要求承認債款之外。尚有一種極廣漠之要求。即請布黨維持世界秩序不為對外之宣傳是也。但布黨過去行爲。是否擾亂世界秩序。尚屬疑問。所以聯合國此種前提。亦只可視為敷衍自己面子。未必能發生何等之影響也。

若問聯合國此次何以急急與布黨言和。其原因實有數種。(一) 因波羅的各邦現均已實行與布黨議和。波蘭亦與勞農政府議妥條件。中歐各國尚有接踵之勢。大勢所趨。聯合國自不能獨踰其後。(二) 因西伯利亞方面社會革命黨政府已完全降伏于布黨。聲明與莫斯科政府取一致行動。莫斯科最近亦已承認西伯利亞新政府。而舊黨方面自高爾哲槍斃之後。勢力俱已失墜。決無再起之望。布黨統一全俄。形勢顯而易見。協約國欲解決對俄問題。自非承認布黨不可。(三) 因威爾遜病愈之後。對歐問題態度忽變強硬。其通牒中頗露與德單獨媾和之意。對於布黨當然主張議和。聯合國恐其佔先。轉有失機之誚。不若得風便轉。先與布黨議和。尚可補救前此之失策也。以上所舉。係屬於外部之原因。至其內部原因。主在經濟財政之緊迫。

非利用俄國物資。萬難超脫將來之危局。且國內輿論無日不力迫政府承認布黨。政府若依堅持從前態度。難保不發生反動。結果於治安上反受不利。所以不得不有此謀和之舉也。

(3) 列國對俄會議之經過 英法意三國總理。此次因對俄問題。在倫敦特開秘密會議。其方針業已決定。大要如下。(一) 聯合派遣特別委員赴俄調查實在情形。(二) 聯合國雖與俄購買組合開始通商。而對於勞農政府。在其未確立與文明諸國同等制度之前。暫不承認。(三) 俄國與其邊境諸國講和時。聯合國決不加以干涉。聞該會議內容。本守秘密。嗣因倫敦日日郵報。先為揭穿。政府乃不得不將大略情形。公表於世。聯合國欲輸出俄國內之豐富農產物。原擬只與購買組合開始通商。後因有兩種理由。難以實行。故有此。次三條之決議。其第一理由。係因購買組合。實在勞農政府管理之下。若不承認政府。而僅與組合通商。事實上萬難辦到。其第二理由。係因俄國所貯藏之農產物。多在內地。並不在運輸便利之海口。如何設法運搬。亦一疑難問題。因有此兩大理由。故各國意見一致。決定先行調查俄國實情。由國際勞動事務局理事長杜瑪。選派勞動委員二名。會同聯合國所派之委員六名。尅日赴俄。從事調查。將來即以該委員所調查之結果為根據。討議承認與否。故派遣委員一層。實為統一各國意見之前提。欲藉此以解決承認問題。是以此次會議。實可視為各國對俄問題之重大關鍵也。

## 一一 中歐方面

(1) 德國復辟之詳報 巴黎十三日電云。德國復辟派首領。於夜間與政府諸人磋商復辟。其結果該派之要求。皆為現政府所拒絕。後復辟派直入柏林。發布宣言。主張推翻現政府。解散國民議會。由凱撒（德前皇）收回政權。以卡波（Kappeler）為首領。而輔提爾比斯大將（von Tilly）二人皆軍閥派。而屬於祖國黨。

自行宣告為帝國首相兼普魯士首相大將盧威斯（Ludwig）為陸軍總司令。同時大總統愛博爾。

與陸軍兼財政總長諾斯克。Noske 亦發布宣言勸工人同盟罷工。反對復辟。又巴黎急電云。本日本日(十三日)柏林復辟派確已起事。海軍與鐵血隊已於星期五(十二日)夜由多卜蘭尼斯 Dohrenitz 兵營開入柏林。開成亨街及進步黨辦事處。現在尚無亂事。然此種復辟運動。是否蔓延於各處。尚未探悉云。屬稿甫畢。又得巴黎十五來電。所述情形較前尤為詳盡。茲再續誌如左。

▲柏林城中之景況 現在柏林街市。一如星期日情景。人民羣衆多圍繞威廉街之鐵欄外。高談時事。野砲及機關砲。高架于柏蘭登門。羅典道夫。Tun-Dammstr. (從前參謀次長)與卡波。頻開會議。而卡波宣言履行前日與協約國所訂之和約云。從前之共和政府。於前星期六。由柏林遷多列斯頓。Dresden 今已由多列斯頓。再遷斯安加爾。Suhl (在德國南部之烏添伯邦)國民會議議長霍連巴。Koronarin Fohrenbach 抵斯安加爾。於本星期二。在該處召集國民會議。卡波氏已宣佈共和政府之大總統愛博爾及總理包爾。Bauer 為大逆不道。發令逮捕云。但復辟派之勢力。現尚無大發展。而卡波現在極力設法組織新內閣云。據一般人所推測。德國此次復辟。必歸於曇花一現。不能持久云。

▲各邦工人之反對 獨立社會黨與工聯。及他種團體。對於復辟舉動。已宣告全國一致罷工。表示反對。柏林城中之電汽工廠。地面電車。地下電車之工人。全體罷工。自來水斷絕。因之糧食缺乏。時有搶掠情事發生。柏林以外。基爾。Kiel 漢堡。Hamburg 柯崙尼。Cologne 夫倫霍。Frankfurt 溢先。Essen 達舍道夫。Dusseldorf 等邦之工人。已舉行同盟罷工。因之軍隊與工人。常發生衝突。夫倫霍地方。因此有一人被殺。四人受傷。至於德國中之各邦。除東普魯士已承認新政府。此外如烏添堡。Wurtemberg 薩遜尼。Sachsen 威。Bayern 巴伐利亞。Baden 巴登 各邦。皆表示反對新政府。而宣佈依然繼續服從舊政府云。

▲各國對此之態度 協約國對於所佔領萊茵河流域之德國工人罷工。已加派軍隊。以防騷亂。但如罷工

舉動不擾公共安寧。則協約國斷不從中干涉。德國駐法公使米耶氏。Meyer於十五日謁見法總理米爾蘭。請求繼續承認愛博爾政府為德國正式政府。並力言卡波之復辟斷不能成功。而舊政府對於協約國。必能以誠意遵守前日之條約云。協約國方面已研究對付方法。聞已決定德人所組織之政府。如不採用前日霍亨樣倫 Hohenzollern 舊皇室。皇統所遺傳之形式。以與和約相違背。則德國之內亂如何。將不復過問云。荷蘭方面聞德國復辟派起事後。對於威廉住所已加派軍警監視云。

捷克斯拉夫之近狀及其財政。自捷克斯拉夫崛起以來。東歐方面協約國大受其益。故自始對於捷克斯拉夫之建國。極予助扶。而捷克斯拉夫亦因此而稱霸東歐。睥睨一時。為世人稱羨。且其反對布爾塞維克。轉戰俄境。尤稱協約國之意。故其國勢竟蒸蒸日上。然新建國家根基未固。目前尚有種種問題。難於解決。其國之環境。既不佳。因時時皆有被人傳染危險性運動之虞。計其疆界。南為戰敗窮枯已極之奧地利。西為內政紊亂之德意志。及為布爾塞維克攻擊之波蘭。東則為革命復倒之匈牙利。北則係布爾塞維克。因係四面多敵。故不得不注意武備。因係新生國家。故不得不建樹威力。因此捷克斯拉夫。乃為一新式的軍國主義國家。然則其政策不同可知矣。因此東俄社會黨人。皆其反對醫集其境。欲一舉而推翻之。自捷克之自身。亦有弱點。根本為其國之隱憂。而為捷克族之生命所係。蓋在捷克領土內之實業企業百分之六十。皆為奧匈國人所經營。捷克人若不設法收回。則無論國勢如何強盛。而經濟生活權柄。終操之於人。故捷克政府與人民。日夜所籌慮者。厥惟收回領土上的一切實業企業。由本國政府或人民自行經理。然此事又豈一內憂外患。方盛之一新生國家所能辦到。故不能不仰給於協約國。協約國以戰勝優勢。分割領土。扶助獨立。固尚優為。至於經濟私產。一紙書徒託空言所能為力。況現時如英如法。經濟上之恐慌。皆有不可終日之象。自然愛莫能助。捷克政府不得已。乃轉而求美國。而美人素與捷克無關係。所有在捷克事業。惟有青年會。捷克遂以青年會

爲介紹於美人機關。時得小小資助。故青年會近在捷克。勢力異常之大。然欲得美人之大宗借款。終不可得。因捷克係新生國家。局勢未定。信用不孚。頗難得美資本家之信用。即使協約能予資助。尙有一層難題。即捷克所有銀行。皆屬之德奧人手。而有實力於社會。欲與外人生經濟關係。非經過其手不可。經濟既不能直接。則德奧匈人又得而操縱於其間矣。茲略舉捷克五大實業銀行之資本及資本之流通。可見實力頗爲雄厚。信用又極好也。

銀行名

社會基金

常存

儲款

意威維斯存斯楷銀行

古羅倫 一二〇・〇〇〇・〇〇〇

古羅倫 四〇〇・〇〇〇・〇〇〇

古羅倫 一五七六・〇〇〇・〇〇〇

博威門實業銀行

八〇・〇〇〇・〇〇〇

一六・〇〇〇・〇〇〇

四五八・〇〇〇・〇〇〇

柏克儲蓄銀行

五〇・〇〇〇・〇〇〇

三六・〇〇〇・〇〇〇

三三九・〇〇〇・〇〇〇

捷克中央儲蓄銀行

二五・〇〇〇・〇〇〇

二二・〇〇〇・〇〇〇

三五一・〇〇〇・〇〇〇

農業 銀行

一二・〇〇〇・〇〇〇

一・〇〇〇・〇〇〇

四七六・〇〇〇・〇〇〇

其餘德人所設立之銀行甚多。合立銀行 Banque d'Union 資本皆六千萬古羅倫。存儲有六萬萬一千五百萬之多。其魄力真不小也。

### 三 巴爾幹方面

(一) 土耳其之滅亡 處分土耳其問題。上月末旬倫敦會議。業經大體決定。即歐洲方面。仍令土耳其保持君士丹丁。惟勃達兩海峽。則由聯合國軍隊防守。此種處分。不啻制土耳其之死命。邇來土耳其人對聯合國反感日深。卒於亞爾麥利亞方面大肆虐殺。英法派隊上陸。亦無效果。於是倫敦總理會議。大發雷霆。決計將土耳其實行瓜分。據聞斯密魯拉一帶地域。已決定割與希臘。亞達利一帶地域。則決定割與意大利。其餘各

地全歸聯合國保護。由此觀之。歐德曼帝國。實際已告滅亡。近日聯合國輿論。因土人肆行虐殺。大起公憤。要求政府占領君士丹丁。將土耳其完全驅出歐洲之外。英法兩國均有允意所躊躇者。只回回教徒耳。英國方面。因有印度波斯之關係。更不敢輕於下手。故土耳其在歐洲。尚存殘留餘影者。不得謂非回回教徒之賜也。聯合國對土耳其。此種嚴酷的處分。究竟能否實行。尙屬疑問。此次亞爾麥利亞之虐殺。無非是一種民族示威的運動。如聯合國竟將其領土。強迫割與希臘。及意大利。爲參戰之報酬。其結果恐將更起重大之反抗。將來之禍患。斷非吾人所得而豫測者也。

(2) 勃牙利之現狀 勃牙利亞向爲巴爾幹半島上之第一大陸軍國。自結塞攻土而後。在巴爾幹地位。蒸蒸日上。整軍經武。大爲諸小國側目。因其採用軍國主義之故。遂與德奧氣味相投。奧國之欲稱霸巴爾幹。亦即借勃國爲唯一之臂助。後勃牙利亞與塞爾維亞。竟漸立於反對地位。而巴爾幹之俄奧兩系。於以成立。大戰起後。世人皆知勃必不免。然勃卒以對土關係。遲之又久。方才加入德奧方面。於是德土及中歐一帶。頓形靈活。是其與協約方面之打擊。殊屬不小。迨後大勢日非。不能久持。乃竟先向協約言和。而其影響於德奧。又甚大。自停戰之後。已無人注意。及此戰敗乞和之軍國主義國家。亦惟有俯首下氣。靜候協約之處置。蓋自此以後之勃牙利亞。已與曩昔全然不同矣。

然以巴爾幹關係之複雜。牽制全歐安危之重大。協約雖挾有雷霆萬鈞之力。亦不能不有所審慎回翔。蓋稍一不慎。實自貽其禍。於是在對勃和約進行之中。經兩次勃代表之抗議。而協約不能不收受。卒有本月五日之最後條件之交付。此條件既爲協約所稱最後允當之條件。則勃人當不敢再有所抗議。簽字之期。當不遠矣。聞最後條件內容。減輕不多。大勢所迫。雖經勃人連次服國喪。表示反對。其效力亦僅矣。

此次協約任意分割勃國之土地。以與捷克斯拉夫。爲勃人所最痛心含恨。在協約立意。以爲分割勃國土地。

一方可以警勃人之盲從德奧。一方又可以厚捷克斯拉夫人之勢力。而不知巴爾幹之糾紛。自此將愈不可解矣。巴爾幹諸小邦。其立國曆史龐雜。及相互關係之錯綜。皆盡人所知。近年以來。屢因利害衝突。及對外發展之抵牾。共互相吞并之志。無國無有。故離合不常。今日携手。明日讎敵。有利即合。有害即鬥。皆由於國家要素及發展路徑之分配不均。而各強又從而樹黨於其間。故其不平之現象。終無除去之一日。蓋不僅彼民族性之輕易變動已也。當大戰之中。勃牙利亞與塞爾維亞對立。而一九一二年則兩國曾聯合以抗土。設非兩方強國暗中挑撥幫助。則其離合關係。未有如此其驟也。勃代表抗議書中有言。謂其附德奧以與塞爾維亞宣戰時。并無有意與協約衝突。此言最近無聊。然亦屬實情。勃牙利亞與塞爾維自成獨立國後。皆欲上取馬塞多倫 Macedonia 之地。以自肥。兩國民性。又皆饒勇好鬥。其不甘心屈服。往事可徵。知。况今後捷克得協約之扶助。將厲行其軍國主義於巴爾幹半島。而羅馬尼亞又旁若無人。恃功橫行。此皆足以引起勃人最深固之含恨心。而思有以報復。則半島之患。方興未艾。不得不咎協約之處置過當也。

雖然。和約規定今後勃國常備兵。只准留兩萬人。而兵船則只留足以保護漁業之用。則勃國之將來。正未易謀恢復。然勃牙利亞既去。其地之軍國主義又起。巴爾幹恐終無安寧之日矣。近勃牙利亞社會黨人。有見於此。曾宣言曰。吾勃牙利亞人。不必以往事縈懷。而從外交軍事上著力。當從社會方面着眼。使巴爾幹中斯拉夫諸小邦軍國主義消滅無形。則糾紛不致再起。而勃人亦不致永受凌辱。此言誠中肯綮。假使行之有效。則巴爾幹諸小邦輕浮之軍國主義之消滅。不獨勃人之幸。巴爾幹諸小民族之幸。抑亦歐洲和平前途之幸也。

#### 四 法國方面

(1) 法總理調停罷工之辦法 巴黎二日電云。法國總理米爾蘭氏與鐵路總辦。及鐵路同人會之代表會議。磋商調停罷工之辦法。其結果鐵路人員等均承認米總理所定之條件。旋即電達各支會。請其興工。聞其

解決辦法之重要各點。即如同盟罷工時。不得支取工資。凡不肯回廠工作之革退者。一律復回。至於因他故所受之懲罰。當再秉公審查云云。

(2) 法國北部戰後之整理。在歐戰中。各交戰國皆受有空前之影響。而尤以法國北部為最。蓋自開戰以至停戰數年之間。全國軍隊。皆齎集其間。互相攻守。且又應用最新之科學為戰鬥之利器。故其破壞之大。亦為前此所無。法國北部。素為工業上之重要區域。以紡紗·製糖·製啤酒·廠為最多。煤礦及鍊鋼廠次之。然至今皆破壞殆盡。舉目蕭條。令人不勝今昔之感。茲先將法國北部戰前戰後之大工廠數目。根據精密之調查。列表於後。

| 廠名       | 一九一三年之 | 一九一三年所用之 | 一九一三年之 | 一九一九年現用之 | 與一九一九年現用之工人數減少成正比例 |
|----------|--------|----------|--------|----------|--------------------|
|          | 廠數     | 工人數      | 廠數     |          |                    |
| 食品廠      | 三·四二二  | 二六·〇〇〇   | 六〇〇    | 八〇弱      |                    |
| 化學工廠     | 四二二    | 一一·八〇九   | 六〇     | 一八〇      |                    |
| 膠皮紙與紙板等廠 | 一一三    | 四·〇九三    | 二六     |          |                    |
| 製書廠      | 三二〇    | 六·〇九八    | 一五〇    | 一·二〇〇    |                    |
| 紡紗廠      | 一·六三一  | 一七五·〇〇〇  | 一三〇    | 一〇〇〇〇〇   |                    |
| 製革廠      | 七六〇    | 五·三三七    | 無餘     |          |                    |
| 木廠       | 二·三二一  | 一一·七八九   |        |          |                    |
| 冶金廠      | 三三三    | 三〇·〇〇〇   |        |          |                    |
| 金工廠      | 二·七〇四  | 六二·五七三   | 三〇〇    | 一〇〇〇〇〇   |                    |
| 總數       | 一一·七一〇 | 三三六·六一九  | 一·二一六〇 | 三三四·六〇〇  |                    |

觀上表總數。即可見北部戰前工藝之發達。而戰事中損失之奇鉅也。自和平條約簽字後。法國整頓北方之呼聲日益高。而此事關係於法國工藝之前途亦極大。然自停戰至今已及一年。而北方整頓。尙無成績之可觀。其真因所在。實有三大問題。須先解決。若此問題一日解決。此北方之再造。不過二三年間事耳。此三大問題。即資財、搬運、材料是也。茲特分述如下。法國財政。自戰爭起后。其損失之鉅。人所盡知。但其詳情頗難盡知。法國平時缺煤。素仰給於德國美洲。自戰爭一起。則獨倚美國。而美國在一千九百十五年。因欲乘勢吸收現貨。曾迫法國以金元購之。於是法國政府。偏收國內現金。而以重價易之。其後吸收漸盡。美又不肯賒欠。迫其現款購買。此即法國財政在戰爭中所有損失之一原因也。又法國在戰爭中消耗既極鉅大。政府日益貧乏。而法國人民又不許其政府借外債。當一九一五年之財政部長。乃實行取公債於國民。每次皆在十萬萬佛郎以上。至停戰。已徵集至四五次之多。政府消耗之大。人民經濟力上之影響。於此可見一斑。此又法國財政損失鉅大之一原因也。法國北方一帶居民。在數年戰爭之中。屈於德人武力之下。雖未受法政府之羅掘。然工不能造一物。商不能市一貨。皆閒坐而食。虧累有加無已。更加以物價之昂貴。敵人之摧殘。是以北方人民。上戶者一變而爲中戶。中戶下戶。則時時有飢寒之虞矣。今在戰後。而欲望其自行整頓。勢所不能。蓋非仰給政府不可。此又法國財政損失之第三原因也。此三者皆法國財政實際上之損失。而爲修復北部之第一難題。恐非短時間中所能解決。財政之情形既如此。今再進而觀察其原料之狀況。在慘酷之大戰中。各國材料。皆被交戰國之政府。窮搜廣集。而擲之於砲火之中。至今各國材料。皆有罄盡之象。且正在重整時間。彼此需要皆多。故法國北部之整頓。對於原料之收買。雖出重價。亦復難得。其中煤油銅鐵等。皆來自美國。而德人所償還之煤礦。尙盡堆在巴染薩斯。猶未接交。此皆一時缺乏材料之原因也。運輸一事。亦北方整頓中之一大難題。法國鐵路組織。本極完備。自四五十年以來。逐日改良。直至戰前。鐵道

之組織。已極完備。至一五一四年七月二十八日。驟然徵兵。凡往日在鐵路執事者。皆盡荷戈謁敵。而鐵道組織之數十年成績。竟遭破壞。是以至今車行尙未復原。此輸運困難之一因也。且大多數之車輛。多在戰時被砲火炸傷。損失極大。所餘者無幾矣。此又其原因之一也。據法國北方戰地整理官達底爾 *Fautin* 氏云。北方各工藝家所需要之貨車。其總數約六十萬輛。始能足用。而今日法國全國所有貨車。則僅二十萬餘輛。其差之鉅。竟至如此。

凡上所述三者。皆目前整頓中之最難問題。而不易解決者。現時法國內面。財政既乏困。而世界上原料。更復匱缺。而德人造車賠償。又非一二月間能成之事。是亦法政府所無可如何者也。

其整頓之現狀。更可就兩方之觀察以說明之。一爲政府方面之改造進行。一則爲團體實業家團體之自動的修復。

法國政府。本定有改造法律。又名曰戰事賠償律。其中規定甚詳。有謂凡在大戰中受損失之民家。當呈報其損失之數量於地方官。由地方官查確後。乃報告政府。然後由其政府賠償以十倍之數。據記者所見。其賠償之法。有損失之家。由政府給與一銀行匯票簿。損失家以簿購物。由賣者撤去一票。填明物質。而簿上遂減去此數。而賣者執此票。不即往銀行取錢。因銀行須待政府付銀時。始能給與也。而政府又須待諸德人賠款到時。方能發與銀行。此法雖善。然一般造物實業家。日用鉅費購物。以建造一切。而賣物者不能即時收入現金。致有種種之反響。但實業家之利息如故。影響尙不大也。政府又常時委派專員往各地觀察。整頓情形。若有不完備處。隨時報告。予以添補。然其補助仍用匯票。此仍無可如何之事也。

至實業家團體方面。深知政府之難於一時。以全力顧及。於是自行組織團體。以爲政府之助。(一)在各大城池設機關。如賠償損失家得政府匯票簿。而不能買得整頓需用之物。於是則由各機關在他處辦來。分賣

與損失家並同時研究整頓方法以供給政府及人民。二、特延聘有名或專門之士親往各地為特別之研究及整頓之新法。三、工程師在戰地死者約十之七八。故戰後須要之數甚多。實業家皆視此為前途之一大障礙。於是首由各大實業家捐款以辦北方各大工程師學校。如北省里而三三之北方工藝學校。在戰時為德人所佔。並未停辦。四、組織工藝報。登載已研究得之各問題。供大小實業家之採擇。五、特選精幹工程師為委員。赴他國選擇及調查材料。以供修建北方之用。凡上所舉列。皆已成事實。著有功效者也。自停戰以來。協約各國無不窮求厲行各法。以阻德人之通商於各國。而欲置之於貧困。使其一時不能恢復原氣。然德人工藝。向即發達。其所有者。常為各國所無。是以德商雖未出境。而各國商人自往德國購之者。仍絡繹不絕。試舉二列以證明之。如德人所製之烟袋。下段最佳。又如繪圖儀器。德人製造極佳。法人均喜用之。且日前德幣日低。法幣日高。商人以有利為目的。亦常奔波於德法之間。而不能禁絕。當此北部修復之際。應用之機械等等既多。而德人所造者。又素有名於世。法人雖不欲德人借修復之名。遂來北方。占工業之地位。然其機械器具。則仍有不能不購自德人之勢。故戰後德人之工業狀況。與法國北部之修復關係。亦大也。

### 五 英國方面

(1) 愛爾蘭自治案之形勢 倫敦二月二十八日電云。愛爾蘭自治案之內容。與二月二十二日首相魯意喬治所言。大略相同。其關於將愛爾蘭中之新教各郡。與他郡分離之案亦然。故愛爾蘭之北國會。當包有安多利 Antrim 爾馬 Armagh 段 Down 法爾馬諾 Fermanagh 倫敦達里 Londonderry 泰龍 Tyrone 各郡。與白化斯 Belfast 倫敦達里兩市。聞第二讀會。將於耶蘇復活節之前舉行。惟工黨方面。將提出修正案。一以原案之所擬辦法。不能解決愛爾蘭問題。而統一黨亦擬提出動議。謂非俟愛爾蘭秩序恢復舊觀之後。不宜通過自治案云。

(2) 英國工聯之特別會議 倫敦九日電云。英國工聯之特別會議。將於十一日舉行。此次會議。實行英國工人運動上空前最重要之會議。其會議之目的。在解決應否強迫政府實行礦業國有政策。及用何種方法。以爲強迫手段。聞其議事日程中。關於強迫方法。已列出二種。以備選擇。一爲直接行動（即全國一致罷工）一爲在政治上活動。簡言之。此次會議。即解決是否採用革命的行動。抑採川憲法的行動是也。

又倫敦十一日電云。工聯特別會議。已於今晨開會。討論強迫政府採用礦產國有政策。與會者有七八百專員。其所代表之工人。有五百萬。頓馬斯 Thomas 爲主席。討論結果。採用直接行動之案。贊成者僅一百零五萬工人。反對者有三百八十萬工人。否決。而採用爲政治上活動之案。贊成者三百七十三萬二千工人。反對者一百零一萬五千工人。通過。主席頓氏宣言謂。工黨行動。若其目的在保障全國人民之利益。而不在保障一黨之利益。則彼個人敢信勞動政府。必能早日實見云。關於前期會議所議決派送專員到俄。考察情形案。頓氏亦有論及。謂現在關於往俄護照。雖有種種困難之點。然不用護照。而直接赴俄。亦未嘗不可行。現已預備與工黨理事部會商。派遣專員云。又克里聶斯亦言。如吾人採用直接行動。則首相魯意喬治。將爲最歡迎之一人。蓋如工人宣佈全國總罷工。則彼必將於一種條件之下。舉行全國選舉。而在此種條件下之選舉。工人方面。必互相分裂。而其他各界將聯合以與彼所謂侵犯他人之徒對抗。今日主張採用直接行動之人。擬使用武力。然武力一物。乃普魯士人所固有。非吾英之特產也。云云。

(3) 英國消費組合之近況 近代歐美各國之平民與勞動者。因經濟之壓迫。生活之增高。獨立消費。日感困難。因漸傾向於共同消費。及因學者之提倡。事實之試驗。所謂消費組合者。遂應一般人之需要而發生。近年以來。各國消費組合。日臻美備。經濟分配之不平。得借之爲有力的調劑。故雖在資本主義極盛之時。而平民及勞動者。尙得免於死亡。且也此種組合。近年因成效極大。即上中社會之軍人官吏。亦紛紛加入。因而此

種組合之根基。日益鞏固。英吉利為資本主義之中心國家。而消費之組合。則甚發達。據開戰前數年之統計。英民之屬於消費組合者。約五分之一。蓋會員約近二百萬人。資金近三億二千萬元。每年出賣額約近五億七千五百餘萬元。而英國人口。則有四千萬。一家平均以四人計。則戶數約一千萬戶也。然自經大戰之後。形勢稍變。然其成績之佳。進步之速。殊可注意。茲特自法報中彙譯如下。

英吉利之消費協力組合。近年以來。因戰爭之故。並無特殊發展。然以英倫人口之多。工商業之繁。加以協力組合之效日著。勞動者之勢日張。則英吉利消費協力組合。當日益擴張也。今日英國之消費組合。雖只有社員四百萬人。但大半仍係工人。以一人而代表數口之家。其實際消費者。仍有千五六百萬人。據最近計算。其每年預算總額。約一萬萬餘英磅。會社有一千五百餘處。而此種分社。又係由各大小團體聯合而成。其消費之大宗。如食品中之錫蘭茶。美國煤油。加拿大麥麵。丹麥牛奶。牛油。奶。瓶。雞。蛋。等。皆由社中自在各出產地購買運輸。其須製造者。如磨麥成粉。皆由社中自有磨房製造。英之消費組合。且有地五千亞克。(法畝)以之種植主要糧食。專供社員之用。最近又在威特亞爾與鎖墨爾塞兩地。購得兩大腴土。以為擴張生產之用。此協力消費組合。其初本專為便利消費之用。而現在範圍擴大。且漸及於改良生產之一途矣。凡必需之品。除酒精飲料而外。社中幾無物不備。此種用品。雖大半自外購來。然其最大最多之需要。大半均由社中自置之工場作坊以製造之。飼養牲畜之農莊。縫紉衣服製造碗蓋之作坊。皆係社中最大之經營。此外如麵包場。印刷所。輪船公司。又皆係社中重要之組織也。統計社中所用執事。總數計達五萬餘人之多。更有特別銀行。以為社員存儲及借款之用。存款行息百分之三。半。借款付息百分之四。銀行所得之紅息。與商店所得餘利。均由社員中存儲有資本者。照章均分。平日勞動界與最大實業會社。有經濟上之行動。概由協力組合之介紹。此英吉利消費協力組合之大概也。

自大戰開始以後。該組合形勢乃爲之一變。而專其精力而注意於經濟之能力。而活動於政治方面。蓋戰事一開。經濟界大起恐慌。主持協力組合者。如不活動於政治方面。其經營必直接爲政府所破壞。故不得不用其首創人阿文氏 *Richard Lawson* 之精神。而盡力抵抗政府。觀其最近與政府竭力反對之兩事。即可見梗概矣。

戰開未久。英政府因謀後繼之充裕。即有加稅之令。對於商會工場。一律徵收戰稅。是時協力消費組合。即起而反對。謂協力組合所得之利。仍係買主均分。當此生活昂貴之際。使社員復受兩重損失。極不公允。爲此一事。與英政府再四磋商。直至今日。大有愈激愈烈之勢。其第二事。即徵兵是也。自徵兵令下。協力社即從事調查社中何人在所必需而不能放其相離者。報地方官。請爲免除兵役。不然則社中種種組織。皆將爲戰爭而逐漸破壞矣。

至於選舉。則一千九百一十八年協力組合社員有十人候選。其中惠得生氏被選。至地方選舉。則協力組合實與勞動界同一傾向。現時英國之協力社。在勞動界尤操有最大之權者。厥惟維持罷工黨人之生活。英之罷工黨人。可在千五百消費協力分社中。除取生活必需品。而該社之銀行。亦可對於罷工黨人。特別優待。故本年七月約爾哥惠煤礦罷工。居然支持至一月之久。皆協力組合社之力也。又如本年九月土木工人罷工。第一禮拜。工黨自備常費。遂罄而立需五十萬磅之鉅。此時若無協力消費組合爲之謀款。由各處分社借給各處工黨工團。則罷工之事。立刻失敗。不能支持至如許之久。而得政府最後之允諾也。

此協力社與英國政治上。尙有一種特殊影響。即能匡護自由貿易。而使之不致於衰敗也。英自戰爭以來。已漸趨於保護貿易政策。對於進口貨物。任意加稅。但協力社所運輸。既係消費者所自辦。故只能直接徵稅。且此協力組合。既有能力自己製造其必需品。則不憂他人與之競爭。而無待政府之保護矣。又況其生產能力。

較私家經營者爲迅速而便宜如製衣製鞋皆因其數目之多銷路之廣而超過私家數倍。在十五年前此協力組合增加入自由黨於千九百〇六年之選舉大獲勝利。但今日時代不同爭點已變。有如最近魯意喬治氏今日之協力組合已爲勞動界之中心不能強使完全同意於昔日之自由主義矣。

## 六 美國方面

(一)美上院形勢與和約 美國參議院自本年開會以來共和黨所提出之各種保留案大多數業經通過而通過之情形與去年迥不相同吾人似非特別注意不可。蓋去年共和黨所提出之十五保留案雖曰通過但贊成與反對兩方面明明含有黨派的臭味贊成者全屬共和黨反對者全屬民主黨。所以一到討論和約全案之時即不能得三分二以上之贊成。和約批准問題亦因此而擱淺。今年形勢則大異是門羅主義及否認內政干涉之保留案贊成者均在三分二以上。委任統治之保留案且經全會一致通過。至於山東問題保留案五十人中贊成者亦有四十八人之多。可見現在美國民主共和兩黨對於保留案之妥協已經成立並可由此推知和約批准之期當不在遠也。

此次民主共和兩黨之妥協所以能迅速成立之原因。言人人殊。有謂因葛雷大使在倫敦泰晤士報發表可贊成保留案之意。民主黨見有機可乘樂得順風轉帆俾和約批准問題不至長此擱淺者。有謂因民主黨看透歐洲各國戰後非依賴美國經濟力不可則美國之種種保留案各國非一一承認不可故不得不贊成共和黨之意見者。此二說雖各有出入而均不失之遠。即據吾人觀察亦不外此二種之原因。所以吾人對於美國批准前途頗抱樂觀也。今吾人對於其他各種保留案內容且姑置不論先就與吾人最有利害關係之山東保留案一述之如下。

前次羅治所提出之保留案原文爲「美國對於山東問題遇日本與中國發生爭議時得自由行動。」此次

所修正者。係將「日本與中國」一句完全刪去。因此美國對於山東問題所保留之範圍。更爲擴大。以前尙不過關於中日之爭議時。美國可以自由行動。今則中日以外之第三國。若對於山東問題。有所爭議。美國亦可自由行動矣。夫所謂「自由行動」。果作如何之解釋乎。實即謂美國絕對不受從前巴黎和會所議決者之拘束也。簡言之。即美國不必贊成日本繼承德國在山東之權利也。據此形勢以觀。不但美國對於山東問題。欲推翻和會之議決。即英法各國。亦恐有此心理。蓋英法所密許日本者。不過在和會上援助日本而已。若在國際聯盟會上。當然不受此種密約之拘束。吾人誠細觀近來各國朝野之議論。即可推知。所以吾人敢斷言山東問題。將來如果提出國際聯盟會。必有轉敗爲勝之望。此節政府與人民。非大加注意不可也。

(2) 美國社會黨之現狀 去年九月初旬。美國芝加哥。曾開社會主義者大會。其結果致美國之社會主義運動。實現革命的改造。當時列席大會各社會主義者團體。各有其獨特之綱領。截然與他黨派有別。除與所謂 I. W. W. (世界產業勞動者同盟) 提携之社會勞動黨外。美國社會主義者最有勢力之三大分派。亦均列席。即社會極右黨。中央左黨之共產勞動黨。與極左黨之共產黨是也。各派數字上之勢力。不能明知。故不能有精確之計算。又如各派黨員之更動。在改造運動成功。各得其所之前。必起無數困難之事。是蓋無所用其疑者。然據某派所觀察。社會黨大約有三萬九千黨員。共產勞動黨則不逾一萬。共產黨有六萬。其中半數皆主張兼通外國語。在此等同盟之選舉。民間所通行者。多俄羅斯語也。又據他之一派所推測。共產黨有黨員三萬。其中二萬五千。爲外國語之同盟。共產勞動黨。亦有黨員三萬。其中二萬。屬于英語之地方同盟。社會黨至今日。尙在智耶馬柏耳甲謝姆耳士特德曼西爾克特及阿里爾等指揮之下。共產勞動黨之幹部。所謂急進的人物者。有瓦梗克萊以特傑里德傑加梨路德及義特盧等。至於美國布爾扎維克共產黨之命運。則委諸極端急進主義者之手。如蘭士仙柏耳克胡列拉胡俊孫及布盧斯基等是也。以上諸人。雖非吾人所熟

聞。然其將來之事業。可以預卜。此則吾人所確認不疑者。何則。美國之社會主義。在此諸人之下。必為將來政治的產業的發展之一主動的原因。不僅此也。其在南美所行之宣傳運動。皆此第三派所極端贊成。而取同一之態度者。

▲美國社會主義之舊式建築。至近時遂行破壞矣。彼直接先行條件。乃在自去年八月三十日至九月六日臨時緊急大會之以前數個月間。若更溯其遠因。則在世界大戰前之數個年也。故在一九一四年八月戰爭突發以前。已於第二回國際社會黨大會。關於主義綱領。互認有種種意見不相同之處。各國之社會黨中。有富有建設的價值之一派。斯派也。傾其精力。謀所以顛覆資本家的國家之議會。更進而推倒資本主義的國家。由無產階級完全統治。以建設政治的產業的新組織。然彼等承認非急進的革命手段。——即在因落的資本家社會之外殼內。所謂無產者國家之漸進的創造。——為實現社會主義之究竟目的之方法。當此派之黨員。從來在「溫和社會主義者」及「機會主義者」之名下。此為吾人所素知。他方面美國之極端的革命的社會主義者。又嘲笑伊等為「小資本家的社會黨」。且不認其為「勞動主義」。——在論理上。應與勞動黨共始終者。——之黨派。

▲與歐洲之溫和社會主義派立于正反對地位之革命的社會主義者。頗可主張實行階級戰爭。思由無產階級之解放。與夫勞動者之團結運動。而達彼輩之目的。此等團結勢力之着眼點。乃在無產階級之掌握霸權。創造新社會之新秩序。在溫和社會主義者與革命的社會主義者之間。又有所謂中央黨之社會主義者。觀其言似頗擁護革命的手段。然又常與資本主義。及資本家的國家私通。則真所謂騎牆黨矣。總觀上論。吾人可知美國社會主義最近之分裂。考其遠因。實由于俄羅斯匈牙利及巴爾里之多事。有以釀成者也。

▲回顧俄國列寧杜洛斯基及勞農主義哲學之全組織。實與美國社會主義者最近在大會發表之宣言憲

法綱領實行案等之內容。以強有力的決定的要素相似。德國之社會主義。模倣美國初期社會主義者之思想及行動。故此俄國之布爾札維克主義。其與去年九月初旬在芝加哥正式組織之美國新社會主義之哲學及方法。正復有不少之影響也。

▲美國社會主義分裂之遠因。既如上述。因此吾人更易諒解其近因焉。此等近因。實在社會黨本部之理事將若干外國語同盟。及三四州社會黨除名一事。吾人欲知理事發此舉之意義。則請列稍詳之實例。

▲在臨時緊急大會一二日前。理事以俄羅斯小俄羅斯里至阿里亞列特波蘭南斯拉夫及匈牙利之各同盟蹂躪黨綱。一律除名。蓋依黨綱第十二條第二節。使用外國語之各團體。須選舉翻譯員一人。專為疏通其同盟與黨本部之意見而設。但翻譯員之職務。非常紊亂。屢次隨意變更理事會之決議。當此時理事諸人。或以此等同盟。既有獨自之憲法。則不防隨意反對理事會之決議。或以既屬黨員。則應以違反黨則者而處罰之。二者不可不擇其一。加以外國語同盟發行之出版物。一方對於俄國布爾札維克之急端的急進的綱領。公然表示贊同。一方又非難美國社會黨。視為德意志之沙德曼。俄羅斯之哥薩克。——社會主義及勞動階級之反叛者。夫對於此極端的急進主義之同情。直使使用外國語諸同盟。與在黨內方抬頭之左黨。互得提携之機會。故斯事也。由本部理事照黨綱第十條第三節（A）項。即社會黨本部發表之主義綱領。認為最高之宣言。使各州各市之團體。不得不服從也。且各州各市之團體。向之不許與其他政黨及團體聯合妥協者。今竟違反此項條文。於是理事諸人遂宣言行使暴力之極端的急進主義之左黨。決非社會黨正式之代表矣。

▲除以上使用外國語諸同盟外。米西更馬沙抽賽池及阿海阿洲社會主義者團體。皆被本部宣言除名。代表六千黨員之米西更州社會黨。其被除名也。蓋因該黨大會。修正其憲法。不向黨員或屬於地方團體。或屬

於支部。苟依立法的手段而主張改革或援助以改革爲目的之集會時。該黨對於此等舉動。皆在除名之列。由各州理事宣告除名。此項憲法。顯係對於欲保持依從來之態度。即依立法的手段。欲成就經濟的社會的改革之美國社會黨者。得由州黨認爲除名。米西更州黨不僅對於社會黨本部表明之美國社會主義之機會主義。立於絕對反對之地位。且對於使黨員服從本部之調度。使各州各市團體之主義綱領互爲一致之憲法條文。亦爲極端之破壞者。

▲本部理事其熱心擁護政治運動之態度。可於馬沙抽賽池州黨見之。此州外國語之同盟。占有多數。五千黨員中。其能英語者。不過千人。若左黨雖在被本部除名後。其外國語同盟。在州黨中仍占有一勢力。去年八月三十日。在芝加哥所開之緊急大會。該黨亦曾選舉代表者參加。六月所開之州大會。除承認政治運動爲州社會黨之憲法一節以外。更添入採用產業的運動之原則。以爲顛覆資本主義之有效手段。此大會更以一一七對四零之多數通過。一凡地方團體。在本年六月二十一日由左黨選舉代表者。派至在紐約所開之大會。一之決議。

▲認左黨爲敵黨之本部理事。當然承認此等行爲。違反黨之憲法。即有背前述之第一條第三節A項。

▲再言阿海阿州社會黨。該黨自修正黨綱後。即決議與左袒社會黨之左黨綱領之一派提携。且因承認被本部除名之外國語諸同盟。遂亦被本部除名矣。正如馬沙抽賽池黨自本部視之。以爲此等行爲實屬有違憲法。而促進全體之分裂團體。

▲合以上觀之。可知美國社會黨最近之分裂及美國社會主義三大分派之發生。一因被歐洲社會主義者成功之刺戟。美國社會主義者中有急端的革命的思想及主義者。因人更爲激烈。二此等暴力的革命主義者。使州黨及外國語諸同盟。一棄從來之政治運動。採用直接產業上之團體運動。三州黨與

左黨連爲一氣。以反抗本部。加以代表者選舉上本部與州黨之間。意見甚爲杆格。而印花稅漲價之利益州黨又不能均霑。本部一人壟斷。凡此種種。皆美國社會黨最近之軋轢情形也。

▲是於本部理事之行爲。遂喚起激烈的反動。且所謂黨綱決。非附與理事以團體除名權。及公認取消權者。理事之決議。直無一毫用處。故近年社會黨中極端的急進主義。及非機會主義之勃興。皆此反動之結果。此乃不可掩蔽之事實。且因不滿於政治的改革運動。而對於國際的共產主義表同情之故。遂致組成極端的急進黨。即所謂共產勞動黨與共產黨是也。

▲欲知美國社會主義三大分派之哲學的及方法的類似點。及相異點。觀於最近各派大會發表之宣言綱領憲法。及實行案而自明。且因此而知社會黨始終遵奉機會主義。而排斥無產階級。用急進的手段。推倒資本家的國家之豫定案。至於多數社會黨領袖對於由黨之本體所分離之極端急進主義之共產黨。不表同情。此在參觀臨時緊急大會者。類能言之。而舊黨之機會主義。觀於該黨之協同運動。鐵道國有案之精神。通過變更議會之團體制度。自能了解。協同運動。盛行於美國之中央西部及西部諸州。其至於是認者。則以此種運動。實驗於全歐及俄羅斯。即在產業之實地教導上。而與勞動者以貴重之訓練是也。該黨又非贊成鐵道國有案之方法者。不過承認此種國有案。實足形成無產階級之產業統治。即所謂勞農主義之思想。方擴充於美國勞動間耳。於此可注意者。即無論 I. W. W. 或共產黨。或社會黨。其在勞動者把持生產機關之時。彼等固以鎖而不舍之精神。高唱產業之過程及經營。必須十分熟練之語。加以 I. W. W. 一領袖。最近所言。爲使產業在勞動者統治之下。從事巧妙的有效的經營。則必須有一番精密之計畫而後可。吾人自實際言之。產業之組織及運用。與其服從指導。急進主義之一種幻愛的思想。無寧相信有決斷力的實際主義。

▲社會黨最近之宣言亦不過痛斥近代資本主義謂產業之獨裁富之集中皆資本主義之作孽此外亦無他言。一九一九年之宣言則謂資本家階級雖在歷史上有其地位且欲為最後之奮鬥其實彼等固已早破產矣。此種樂觀的論調大顯於芝加哥大會社會主義者以國際聯盟為保護資本主義的帝國主義壓倒勞動者自由獲得之努力故斥其為一資本家之黑手組國際同盟。且也社會黨之信念以為若非樹立自由平等之社會主義的國家創造國際的社會主義政體則勞動者之救濟仍不能完成。然吾人曠觀俄羅斯德意志及匈牙利勞動者之成功實可為社會主義通行之反證。即如在戰前單以改善勞動問題狀態之姑息方法為滿足之英法意三國今亦流行勞農主義之哲學。勞動者各存其政治的產業的機會以為實行大革命之準備。此更可見社會主義之通行而為新文明之豫兆矣。

▲雖然社會黨對於合眾國資本主義之解體亦無甚樂觀。美國之資本主義較之大戰以前反成冥頑不靈的狀態。力主侵略主義。美國政府自參加戰爭而與歐洲及亞洲之保守的國家主義之國家相聯合。於是美國本來之主主義而日亦帶有侵略色彩矣。

▲然而美國之社會主義者今仍于無產階級間表示反抗的精神。實行改革的運動。彼等欲使無產階級者改善雇傭條件而為大規模之同盟罷工。決議二百萬之鐵路工人要求將鐵道管理權握於己手。且使石炭坑夫希望炭山概歸國有。凡此諸事皆足以形成勞動黨者也。

▲社會黨對於布爾札維克主義之態度甚為曖昧。且時有撞着之舉。社會黨對於俄羅斯之革命的勞動者誓言維持勞農政府。又表同情於德意志奧大利匈牙利之將頒布勞農制度。不僅如此。其對於俄羅斯布爾札維克派之暴力政策以為在紛亂之俄邦為獲得及保持自由計。其訴諸暴力誠有不得已也。雖然美國之勞動者又不依殘虐的手段一專制政治之附屬品。而昌言社會主義時代之將至。向在戰爭中所損失之市

民的自由。今非再謀獲得不可。故所謂暴力的手段。殊非彼等所公認。社會黨之目的。端在無產階級之運動。同取一致態度之一點。即欲將產業與政治。奪諸資本家之手。而置諸筋肉及腦力勞動者之統治下。以圖人類全體之福利。

▲自吾人觀之。社會黨對於產業勞動者同盟之態度。及廢止議會內之地方團體。改爲職業團體之二事。可知勞農的俄羅斯。及於美國之影響。所謂團結運動。乃使勞動者在政治上產業上有組織大團體之可能性。換言之。即以明瞭的階級團體。不得不代勞動組合主義而興。蓋以勞動組合主義之連帶性。早已破壞故也。此種思想。與 I. W. W. 之「大同盟」主義。正復相同。即美國社會主義之三大派。亦莫不贊成之。此種產業的連帶之目的。據社會黨所言。乃在緊急時。爲使勞動階級之政治的要求。依產業的運動之準備。準此是政治的運動。依然爲主。而產業的團結運動。無論何處。皆在從屬之地位。

▲今請再論社會黨與共產勞動黨共產黨。——公然主張俄羅斯布爾札維克主義者。——之相異點。共產主義者在宣傳之手段外。反對議會政策。而參與產業上的運動。凡所決議。皆直接攻擊。保守的勞動組合主義。——如美國勞動同盟——欲將美國勞動者。從無力的指導者之手奪還。使彼等自覺其階級的利害。故欲謀解放在政治上產業上。非組織一階級的大團體不可。

▲如前所言。社會黨亦主張在議會內。以職業別的團體。而代以地方別的團體。從前之代表。在社會的經濟的。皆不可謂爲真的代表。其所代表。亦非爲在社會上占有一階級的賃銀勞動者。社會黨新提出之代表制度。與俄羅斯勞農政府者無異。此即社會黨傾向勞農制度第一步之左證。其黨內之非共產主義者。又別出心裁。主張併用地方別及職業別兩者。思抑制多數之行動。

▲社會黨雖對於布爾札維克主義之目的。及組織有表同情之處。然不可謂爲採用勞農主義之全部綱領。

也。彼國際關係調查委員在芝加哥臨時緊急大會之報告。以五十六對二十六通過。第二回國際大會。無再開之必要。方此時由階級爭鬥之信仰者。所組成之社會主義者。國際同盟。忽焉再起。大有時機一至。則革命無產階級一躍而握世界之霸權。其勢至今未嘗或殺。

▲調查委員之報告。又不承認第三回（莫斯科）國際社會黨大會。斯會係由列寧杜洛斯基所召集。而得美國共產黨之同意者。至於不承認國際共產主義大會之原因。則因委員中少數派之報告。為激烈的攻擊。然彼共產主義者。固不因此事而遂變其主張也。

▲美國共產勞動黨組織。在急進派。欲以已派之勢力左右。臨時緊急大會失敗之後。脫黨者中有以社會左黨為名。主張從事討伐新黨者。然大多數則棄社會黨之語。方彼等充通信員旅行俄羅斯之際。其首領為改宗於布爾塞維克之里德。彼等之一團。即現所謂美國共產勞動黨是也。此種新名詞。乃正所以表示該黨與俄羅斯布爾塞維克。及匈牙利共產黨。而同樣的性質。但該黨黨員。全部未有以勞農主義之全綱領。即可適用於美國者。黨員中多以美國之爭。今猶社會主義者與資本家耳。迥非如俄羅斯德意志匈牙利之急進派與溫和社會主義者之爭。故採用共產黨之名。且暗示無產階級之專制。為期尚早。然又有一派之保守主義者焉。以為布爾塞維克也。共產主義也。此等名詞。果能不引動美國勞動者之心乎。果能不使彼等傾於無產階級之專制乎。特此種杞憂。其力甚微。不足以闡動多數。故該黨卒至採用共產黨之名。其黨員所佩之徽章。與俄國布爾塞維克者毫無所異。吾人試一讀其綱領。則可知美國社會主義者之中央左黨。有如何之目的及方法矣。

▲夫對於政治運動之產業的團結的運動。其為重要。自不待言。惟共產勞動黨中。對於此項運動。似有多少之異議。然該黨在政治上產業上之運動。實有同一之性質。此又可以斷言者。值此社會革命之秋。該黨之政

策自必大加改正。使合於時潮而後可。雖有一二黨員。如幹部之一人布羅斯魯德。反對施用暴力。然該黨之綱領。顯為革命的。而置其基礎於產業的大運動之上。又以世界之政治與產業組織。有即刻改廢之必要。則宣言將所有權力。非從資本家移於勞動階級之手不可。此點雖與保守的社會黨。亦頗相同。故該黨最終之目的。可約而數之。(一)謀全勞動者之結合。(二)顛覆資本家之專制。(三)由無產階級奪取政權。此亦與社會黨無異。他日勞動者居民治者之地位時。則非制定法律不可。非將土地、製造所、紡績工場、礦山、交通運輸機關、及財政機關一切管理不可要之。一切權力。委諸勞動者之手。富之生產及分配機關。為勞動者而成社會化。凡此皆該黨之所祈者也。

▲共產勞動黨與社會黨相異之點。即在奉行布爾塞維克主義。而以革命的手段。攻擊資本主義。不遺餘力。又該黨輕視議會之行動。亦為不同社會黨之點。該黨主張之精華。觀於其綱領。而自明其言曰。勞動者掌握國家權力之最緊急的手段。即在勞動者集會之處。如商店製造工場紡績工場礦山等處。而開始大眾之直接行動。為達此種目的。亦有時不妨使用資本家之議會。至於團結運動。則依同盟罷工之作用。增加其銳度與強力。共產勞動黨。雖未公然承認暴力。然其第一回大會之決議。則以若臨機會。雖行使暴力。亦未嘗不可者。蓋至此時。雖暴力亦不得不認為正當之行爲矣。其實彼等何嘗不好激烈。即如大會代表者。亦曾明言鎗砲與同盟罷工。乃共產黨之習用語。而為政治上之武器矣。雖然。無論彼等使用如何革命的口頭禪。無論彼等對於勞農制度。有如何之同感。此共產勞動黨者。亦非能用十分的革命的急進手段。而達其目的者也。是仍不過一中央左黨而已。且其組織之不完全。其位置之不安定。而為黨員者或奔左黨。或投右黨。朝秦暮楚。適足促其解黨之命運。而有餘也。悲夫。

▲德意志人之系統在社會黨中。占有勢力。美國人之系統在共產勞動黨中。操握全權。而在共產黨中。大演

活劇者。則俄羅斯人之系統也。操俄羅斯語之同盟。今更鞏固其團結力。使吾人可想見共產黨將來之活躍。該黨最初之大會。既以實用俄羅斯語言。黨員中之俄羅斯人。在列寧亦杜洛斯基感化之下。在該黨大會。發表確定黨之主張主義。及實際運動上之綱領。蓋共產黨者在美國實為革命的相社會主義之黨派。其黨員皆崇信俄羅斯布爾塞維克主義者也。布爾塞維克主義。有人疑為在美國不甚被歡迎者。然吾人觀于去年九月共產黨在芝加哥所開之最初大會。則此種懷疑。可以一掃而盡。且該黨中之英國系。從前脫離舊社會黨而為左黨本部評議員者。今皆採用勞農主義之全部綱領矣。即由社會黨除名之米西更州社會黨。亦有同樣之採用。

▲在美國急進的思想家中。其對於現存在社會制度之擁護人。而加以激烈的挑戰者。無過于共產黨。該黨之預算案。乃對於現行之政治及經濟組織。與以革命的破壞。直欲制其死命而後已。凡一切改善改良諸名詞。皆在排斥之列。非如中央黨之共產勞動黨。外雖蒙革命派之美名。而內則反於階級戰爭之事實也。蓋彼輩以為馬克斯派社會主義之原理及方法。如列寧杜洛斯基所行。殊不能適用於現代之時勢。彼輩實為第三（莫斯科）國際大會之叛逆者。固可以此斥之也。

▲其他二派。亦如共產黨相信資本主義。正在崩壞。共產黨之宣言及綱領。乃基於去年三月一日至六日在莫斯科所開第三國際大會之決議。（有列寧杜洛斯基之署名）共產主義者。對於社會主義。勞動組合主義。及資本主義。皆為一樣的宣戰。彼等不信溫和社會主義者保持之國家。即資本家代議制度之國家。為招引社會主義之基礎。故其主張。惟在用暴烈手段。以反抗彼輩之敵。據共產黨所信。以為階級戰爭之着眼點。乃在於政治之上。即根據資本主義之政治組織。乃為彼輩破壞之目標。彼輩非建設無產者約國家不可者。則固帶有政治的臭味。彰彰明矣。此種無產階級之專制。不僅在破壞舊組織之消極的事業為必要。且在建

設新國家之職責上。亦非有此不可。夫由無產者之專制勞動者。始可支配產業。而所謂共產社會主義——生產者。以共產的組織之產業自治。始能完成。

▲共產黨之最終目的即在使無產者為唯一的階級。創設一共產制是也。為達此目的起見。故非有產業的及政治的大運動不可。彼議會運動。不過一宣傳之目的耳。此間所認為團結運動之最有力者。總同盟罷工一事。一旦時機可乘。於是實行同盟罷工。凡未加入 I·W·W (世界產業勞動者同盟) W·I·I·U (勞動者國際產業同盟) A·F·L (美國勞動同盟) 及其他分離獨立之各同盟之勞動者。共產黨皆羅致之。使同在革命的階級戰爭之旗幟下。受同一之號令。夫此次大戰之結果。美國之資本主義。反為強大。故美國之階級戰爭。自當較歐洲為激烈。因此理由。共產黨曾宣言曰。現在問題。非在即時革命。不過吾黨欲繼續維持百數十年之革命運動。其吾黨之目的。在最後推倒資本主義。實現共產社會主義之全組織。解放無產者。使為生產機關之管理人。世界之支配者。

▲以上已將美國現時之社會黨簡單說明。然不過示其主義綱領之顯着者而已。至其最近之分裂。則基於推倒資本主義之根本的意見之不同。在承認顛覆現存制度之必要一點。三派全然一致。其不同者。乃在各派對於議會政策之態度耳。此點在社會黨與共產黨之間。尤甚。保守的右黨。以為資本家的議會。最好導引社會主義。加入將廢滅的資本主義之組織中。故彼輩之志。僅為機會主義的社會改革。而中央左黨及極左黨。以為資本主義的國家之議會運動。不過一退步的妥協。而極力排斥之。且縱令此種運動為宣傳之目的。其結局亦非以總同盟罷工為武器。使勞動者之產業的大團結。而實行革命的大運動不可。

▲尚有可注意者。即社會黨與共產黨對於教育會及宗教之態度。不同是也。前者以宗教為關於個人之間題。故對於教會。漠然無所關心。即 I·W·W 亦復如是。然在共產黨。則以宗教為社會現象。復以唯物論的歷史

觀。批評教會之作用。曰教育者。直一愚民惑衆擁護資本主義之機關也。此外三派之態度有一致者。如（一）否認勞動組合主義。二、承認產業的大同團結。三、階級戰爭。許可黑人參加。

▲統而觀之。吾人可以下一斷言曰。將來美國之社會主義。必分爲二大黨派。其一即糾合一切溫和社會主義之社會黨。又一則網羅一切革命社會主義之共產黨也。競爭即在如此二黨之間。然二者皆有布爾塞維克主義之傾向。故在美國之列寧黨羽以爲時不可失。遂開始活動。欲對於現社會之經濟的、政治的基礎。與以集中的革命的攻擊。此種現象。觀於最近美國政府對於布爾塞維克黨之大檢舉。更足信矣。



# ●日本事情

山

## 一 政治方面

(1) 樞密院議長山縣有朋之日本時局觀

山縣有朋爲日本元老。陸軍領袖。舉足輕重。莫不影響於日本政局。此固不待吾人喋喋也。茲將其最近對於某親近者關於時局之譚話照述如次。

「此次解散議會。余本有所關。然未嘗與以同意。唯普通選舉之實施。未免尙早。以原敬加藤高明犬養毅三氏之所爲觀之。犬養氏因多智多謀。故得演出此劇。加藤氏則雖明知普通選舉尙早。然因迫於黨內羣衆心理。遂漸變爲普通選舉熟中之一人。茲事非其本願。殊屬可惜。原氏之特長。在頭腦冷靜。判斷精當。過去七年間。雖常處逆境。然皆能指揮黨員。不失其固有之地位。實堪感佩也。

今總選舉在即。政友會能否得絕對多數。仍屬疑問。縱得多數。而其方法如何。究竟是否爲政友會之利益。亦不能無疑也。徵諸過去事例。在衆議院占絕對多數之內閣。而不得善終者。如山本內閣。大隈內閣是也。蓋在衆議院占絕對多數時。則無論如何節制謙讓。皆易流於橫暴驕恣。此人情之常。無足怪者。然則假令政友會得絕對多數。其能免於此弊乎。若其不能。則將來結果必至蹈山本內閣與大隈內閣之覆轍。殷鑒不遠。原內閣於此。實不能不深思審慮。詳加警戒也。

近聞有內閣改造之說。此實不足爲信。蓋原氏決不出此也。至所謂重大外交事件之失敗。固無辯護餘地。然本問題目下正與某某政府（想係英國政府）交涉。其結果現尙未明。則何人當負責任。此刻不能速斷也。

關於文官任用令事甚精密。無所容喙。若政府所見與樞府所見完全相反。則又當別論。今政府與樞府兩方面。有相一致者。有相反對者。情形極爲複雜。以至虛懸至今。莫可如何。

關於物價問題。余自去年以來。對於政府屢有警告。而政府並未實行一二有效政策。故物價日益騰貴。洵屬遺憾。近來各種運動。漸趨危險。此皆物價騰貴。生活困難所致。苟長此不改。則國民思想之變遷。不知伊于胡底也。今切望政府不可專注意於選舉一方。須從速講求相當有效之救濟政策。

(2) 議會解散後政友憲政兩黨論戰之第一聲

(A) 政友會解散理由之宣傳

議會解散後。政友會於二月二十九日。開協議員會於該會本部。對於此次議會解散之理由。通告各支部。以便於各選舉區宣傳人民。其通告全文大略如次。

「憲政會國民黨及其他一部議員。以普通選舉之美名。提出一種曖昧之選舉權擴張案。謂爲現代國民多數之希望。因此互相牽聯。或云勞動問題。或云階級打破。甚至主張政治社會經濟等方面。從事根本改造。又與院外一般煽動政治家相呼應。動輒有脅迫危害議員神聖之職務執行。事態日趨重大。其中所謂階級打破。社會改造之主張根底。以爲有影響於國家基礎之思想。徵諸普通選舉論者。關於社會改造所論之經過。院外雜亂過激之運動。及各處同盟罷工之漸趨危險。即可知矣。於是政策上之諸問題以外。尙有關於國家前途之重要問題。不可不於目前圖光明正大之解決。故我黨(政友會)總裁不願當日議場之勝利。且不以議場之勝負爲滿足。乃奏請解散衆議院。而求國民健全之批判。原來我黨(政友會)對於內外諸般之施設。皆取穩健着實之積極方針。始終一貫。尤以選舉擴張一事。首先唱導。第四十一期議會。於現內閣提案之下。實行擴張選舉權納稅資格已由十圓低下至三圓。且因國情推移。將來仍漸次擴張。

唯一年前經議會大多數通過憲法附屬之大典。並未一次實行。而遽欲更改。此等朝令暮改之輕舉妄動。實吾輩不得不反對者也。吾黨以國家爲重。所自任者。際此重大時機。當勇往邁進。期使吾黨（政友會）總裁之英斷。於此次總選舉實現其效果云云。

（B）憲政會解散理由之辯駁

憲政會對於政友會所宣傳之解散理由。特加辯駁並通告全國憲政會各支部。其文略如下述。

「第四十二次議會。政府對於吾黨（指憲政會）所提出之衆議院議員選舉法之改正案。未及討論。卒行解散議會。據其所謂解散理由者。謂「本案失於輕躁急激。不顧國情。且含有危及現在社會組織之思想。事實如此。恐不僅爲選舉權擴張。實於國家前途有重大影響」云云。殊不知吾黨所謂普通選舉法案。實質上以爲凡日本臣民年齡在二十五歲以上之男子。一定之住所在六個月以上。有相當能力者。均一體與以選舉權。使國民於政治上盡同一之義務。亦不外遵維新之精神。準立憲之大義。凡爲日本臣民者。豈有異哉。或曰改正選舉法之成立以來。未及一年。然靜觀世運之進展。時局之變化。現在之一年。不啻有往昔一世紀之感。乘改正選舉法未實施以前。提出適於時宜之立法。實可謂得經世之要。有何喪失法律威信之可言。乃反謂本案失於輕躁急激。此可謂不知國情之變化。不順時勢之甚者矣。夫拘於現在成法情實。依財產多寡而制限權利。以定政治上之資格。致釀成階衝突之禍。此尤足危及社會組織國家安寧之甚者也。又對於本案之提唱。謂有影響於國家前途。而危及其基礎。此尤爲妄言誣說。徒欺愚俗而已。現原首相亦承認選舉權之擴張。並期將來女子有參考政權。即政友會中主張普通選舉者。亦頗不乏人。此國人所共知者。如普通選舉之提唱。有危及國家基礎。則政友會亦不能不分任其責云云。下略。」

3 普通選舉團體之聯合運動

普通選舉三派聯合會對此次議會解散極爲憤激。已於本月二日聯合普選三派聯合會憲政會院外團國民黨院外團普通選舉期成會普通選舉促進記者聯合會等團體。在東京 *Shinjuku Hotel* 開聯合會。協議對總選舉之態度。三派議員參集者有百餘名。公推須崎三郎氏致開會辭。大竹貫一氏爲座長。滿場一致。決議左記宣言外。尙有各派代表演說。茲譯錄如次。

宣言

政府對於物價騰貴。無救濟方策。外交上失敗相踵。且欲於議會占絕對多數。以便奪取政權也。及濫用威權。強請解散議會。實凶暴至極。又誣普通選舉案爲打破社會制度。此侮辱國民。尤其甚者。吾人同志當喚起國民正當輿論。糾彈反乎憲政常軌。朦晦責任本義之政府云云。

決議

- 一、吾人務期推倒現在政府
- 一、吾人同志須鞏固團體。以便將來總選舉時互相策應。
- 一、吾人須竭全力以援助吾輩同志。務期於此次總選舉當選。

次即各派代表演說

古島一雄氏（國民黨代表）云。今回議會解散。普通選舉案外尙有其他理由。此爲天下所共知。若果係普選之理由。則吾人對於普選案不可不有澈底之奮鬥。此今日宣傳普選案於全國之絕好機會也。據新聞所載。政友會領袖之談話。謂普通選舉運動爲亂民的運動。然吾人以此項民衆之要求。有具體的事實。斷無亂民之實跡。若謂此次運動爲亂民運動。則昔日政友會所干與之憲政擁護運動。亦不得不謂爲亂民運動也。要之吾人同志於普通運動。當堅持到底。以爲最後之奮鬥云云。

長島隆二氏 院內實行會云。今回議會解散。可謂為吾人之大勝利。若謂解散後政友會可占對絕多數者。此為不通實情之觀察。今普選案之贊成者。已成滔滔之勢。政府因周章狼狽。故不得已而行解散。此次議會所通過之案件。不過一二法案。其他國防計畫及重要案件。皆無一成立者。近因某外交重大事件。內閣自當瓦解云云。

關和知氏 憲政會代表云。此次議會解散。可謂為非立憲中之不詳事件。此人人所知者。今以普通選舉案與政府論戰。吾人不禁生一種之快感。在政府以普通選舉案有危及國家基礎。吾人只得笑原首相之無學無恥而已。昨年之選舉法之改正案。與二十年前創立政友會之伊藤公所提出者。無稍差異。今乃誇稱其改正之成功。而謂吾輩提出普選案之失於急激。則對於地下之伊藤公。能不愧死乎。政府憑藉金力權力。厭迫吾人者。無異戰前之德國式。其冥頑不靈。可謂極矣云云。

(4) 日本衆議院新選舉法之議員數 (即昨年改正之衆議院議員新選舉法)  
日本議會解散後。此次總選舉。當根據去年通過之改正衆議院議員新選法舉辦選舉。茲將其各府縣之議員定數。及有選舉權者之數列表如左。

| 府縣  | 議員定數 | 人口        | 有權者     |
|-----|------|-----------|---------|
| 東京  | 二五九  | 三・一二九・七一〇 | 一〇一・八八三 |
| 京都  | 九    | 一・二七四・八五九 | 六五・二二八  |
| 大阪  | 二〇   | 二・四五五・八四〇 | 七九・四一〇  |
| 神奈川 | 一〇   | 一・二二一・六七三 | 五〇・七五四  |
| 兵庫  | 一八   | 二・一三四・七一一 | 一一八・八五九 |

|    |    |    |    |    |    |    |    |    |    |    |    |    |    |    |    |    |    |
|----|----|----|----|----|----|----|----|----|----|----|----|----|----|----|----|----|----|
| 巖手 | 福島 | 宮城 | 長野 | 岐阜 | 滋賀 | 山梨 | 靜岡 | 愛知 | 三重 | 奈良 | 栃木 | 茨城 | 千葉 | 羣馬 | 埼玉 | 新潟 | 長崎 |
|----|----|----|----|----|----|----|----|----|----|----|----|----|----|----|----|----|----|

|   |    |    |    |    |   |   |    |    |    |   |   |    |    |   |    |    |   |
|---|----|----|----|----|---|---|----|----|----|---|---|----|----|---|----|----|---|
| 七 | 一一 | 一七 | 一三 | 一〇 | 六 | 五 | 一三 | 一七 | 一一 | 五 | 九 | 一一 | 一一 | 九 | 一〇 | 一七 | 九 |
|---|----|----|----|----|---|---|----|----|----|---|---|----|----|---|----|----|---|

|         |           |         |           |           |         |         |           |           |           |         |           |           |           |           |           |           |           |
|---------|-----------|---------|-----------|-----------|---------|---------|-----------|-----------|-----------|---------|-----------|-----------|-----------|-----------|-----------|-----------|-----------|
| 八三三・五五八 | 一・三〇〇・五六一 | 九一九・九六〇 | 一・四八二・五一六 | 一・〇九二・二七四 | 六九四・七八六 | 六〇六・三六一 | 一・四七八・九八〇 | 二・〇五八・〇六二 | 一・〇九八・八八六 | 五九七・九四二 | 一・〇三七・八六六 | 一・三二五・〇一五 | 一・三九〇・二一七 | 一・〇一七・九八四 | 一・三四二・二九〇 | 一・九〇八・六九五 | 一・一二五・四五〇 |
|---------|-----------|---------|-----------|-----------|---------|---------|-----------|-----------|-----------|---------|-----------|-----------|-----------|-----------|-----------|-----------|-----------|

|        |        |        |        |        |        |        |        |         |        |        |        |        |        |        |        |        |        |
|--------|--------|--------|--------|--------|--------|--------|--------|---------|--------|--------|--------|--------|--------|--------|--------|--------|--------|
| 四七・九一二 | 七六・三九四 | 四九・六七三 | 九九・七七六 | 六六・八四四 | 五九・六四四 | 二七・六〇四 | 八六・八五六 | 一二九・一〇〇 | 七六・〇一二 | 三二・四八八 | 五三・六七〇 | 八一・九八九 | 八四・三六八 | 五三・七五八 | 七八・八八四 | 九五・一九五 | 五二・四〇七 |
|--------|--------|--------|--------|--------|--------|--------|--------|---------|--------|--------|--------|--------|--------|--------|--------|--------|--------|

青森 山形 秋田 福井 石川 富山 鳥取 島根 岡山 廣島 山口 和歌山 德島 香川 愛媛 高知 福岡 大分

七 九 八 六 六 七 四 七 一〇 一四 九 六 六 七 九 六 九 八

七二六・一一六  
九六三・八二八  
九四二・六六六  
六四七・四八七  
七九九・〇四〇  
八〇三・四五七  
四六八・五〇五  
四七五・六四四  
一・二五五・八九一  
一・六七一・五四三  
一・〇八五・三九七  
七六七・一八一  
七三九・八八二  
七五三・〇四六  
一・〇九五・二〇六  
六九〇・九六五  
一・九〇九・八二二  
九二四・二九〇

三五・四六七  
四六・五〇三  
四一・四五八  
四〇・八〇九  
五一・〇〇〇  
四四・二四一  
二二・七一五  
四四・一一一  
八七・三四一  
九四・二〇三  
六一・七九九  
三七・七四八  
三九・五七九  
二九・〇二二  
五三・〇七九  
三五・〇八七  
九二・七五二  
五七・九〇四

日本事情

|     |    |           |        |
|-----|----|-----------|--------|
| 佐賀  | 六  | 六九一・二五六   | 四四・〇五一 |
| 熊本  | 一〇 | 一・二九六・八四〇 | 六八・二四一 |
| 宮崎  | 五  | 五九九・一六〇   | 三五・一九八 |
| 鹿兒島 | 一一 | 一・三九二・三三八 | 六八・一二八 |
| 沖繩  | 五  | 五三四・一一二   | 三三・二五一 |
| 北海道 | 一六 | 一・八〇二・八一三 | 三五・二四八 |

## ●國內事情

M 生

### 一 閣潮之平息

半月以來。靳內閣。因閣員內部之失和。以致一切國務。不能積極進行。朝野人士。多以為隱憂。迄本月十六日。經各方面之調停疏通。全體閣員。始一律出席閣議。一旦形勢極為險惡之閣潮。至此得告一段落。亦不幸中之一幸事也。此次閣潮之起。由于財政總長李思浩。交通總長曾毓雋。司法總長朱深。（外間總稱之為安福三總長）與總理靳雲鵬之互相爭執。當其始也。幾有勢不兩立之概。至其衝突之原因。各報之所記載者。頗不一致。綜合觀之。似出于黨略者。居十之六七。出于感情作用者。居十之三四。而以撤換河南督軍趙倜問題。為其導火線。則固了無疑義者也。公言報。為安福派之機關紙。關於閣潮之經過情形。曾有所記載。略云。內閣暗潮。外間言者各殊。其實靳閣。先曾託吳自棠氏。以接洽裁兵名義。遣其游說各省。暗為靳氏疏通。勸進之電紛至。於是靳閣登場。當即以河南省長一席許吳。以為酬報。嗣又擬以吳督豫。實係履行條件。不但安福分子。未曾代吳進言。即合肥亦無迫靳任吳督豫之舉。純係靳對吳之交涉。與第三人絕不相干也。先是靳恐不易登台。曾託吳轉請曾雲沛為向安福俱樂部疏通。安福部諸人以靳亦同屬段系。當然無不贊成之理。迨靳登台。首先提出周自齊財政。以與安福部宣戰。吳氏則以靳雖賣安福。決不敢賣我。是以仍為竭力調停。冀可通過張夏之農教兩部。是吳氏之援靳。可謂無微不至矣。不意靳對吳。又欲以豫督相報。然其中仍有內幕中之內幕。則靳之畀吳以督軍一席。不僅為吳氏計也。其最親近之某某等。皆以擁靳登台。不甘久屈居師長地位。而欲分督軍之儲。不過以吳氏地位最高。勢力最大。固先為吳謀行豫督。然後再將來袋中人物陸續安置。某也江西。某也陝西。庶可皆各如其願以償矣。於是始之以山東督軍為嘗試之手段。主張以示威於各省。用田

而使人不疑。所謂項莊舞劍。其用意固有所在。不僅山東一省已也。迨靳氏決計更易趙督時。曾以用吳代趙。向合肥商量。合肥頗不以爲然。蓋以雖屬停戰期間。究不能不有最後之預備。吳若赴豫。則所部亦必須移防。而鄂西舊時之防線。填補爲難。不如留吳一活動軍隊。以爲湘鄂之策應。而靳則力陳吳氏督豫之無礙。前防且云。自棠到豫。學生可以另撥軍隊同往。不致牽動前線防軍。請勿爲慮云云。一面又勸吳氏從速豫備起行。吳氏尙謙讓未遑。謂你我弟兄共事日長。大哥又何必如是亟亟爲謀耶。靳氏當時拿起筆墨爲吳氏親自籌畫。謂應當與河南原有軍隊如何接洽。鄂西所部軍隊應如何調回。如何布置。一一皆親筆書於紙上。囑吳氏照辦。並謂總統方面。我已說好。奉直方面。我已通知。明日即發命令。吳氏見此美意。豈有薄督軍不爲之理。初不料國務會議後。靳持河南督軍省長兩道空白命令。同田內長進府。而總統則深知河南情形。恐吳氏到豫。勢將引起反動。反誤地方。當向靳云。南北之爭未已。豈宜再起北方之自爭。可先將省長提前發表。督軍問題當從緩議。靳見總統不肯蓋印。碰此一大釘子。又覺對不起吳自棠。因當面辭職。總統云。你辭職。另是一事。總要將河南省長事辦了再說。靳遂署名於省長命令。快快而去。歸而呈請辭職之文。達於府中。此靳氏辭職之原因也。至曾朱李之不出席閣議原因。則以靳氏既不能維持其信用。靦顏共事。甚屬無謂。故有辭職之舉。靳若無悔悟。則曾等斷不肯取消辭意云。

此關於閣員衝突原因之一說也。其內幕果係如此與否。則非局外人之所得而知之者矣。而與上說立于正反對之地位者。則謂此次之閣潮。實出於某政團之有意與靳爲難。以求達其推倒靳閣之目的。上海各報之觀察。大抵如此。例如申報三月十二日之記事。有標題爲「安福派倒閣運動之堅決」之一段。略云。安福三總長。反對靳雲鵬。經連日徐總統。段督辦派人分投疏通。八日前總理錢能訓。又爲此事奔走調停。一般人皆以爲將有效果。孰知九日星期二之國務例會。曾毓雋、朱深、李思浩。依然蹤跡不至。出席者。祇有靳氏與內海兩

長及外、農、教、二代部當會議未了之際。曾毓雋忽爾然而至。並未與議。只與靳氏對某項問題談判許久。曾朱二人又偕赴公府口頭辭職。徐總統一再慰留。曾等迄無挽回散出之後。并聯合李思浩。備具正式辭呈。準于九日晚同時提出。實行彼拆台之計畫。聞八日晚安福某首領宅內。又有秘密會議。據傳當時提議之件。一三閣員一律提出辭呈。以爲要挾。一二前提由該派分擔外交、農商、教育三總長。無論何人疏通。不能輕允讓步云云。該報三月十四日之記事。又有云。安系三閣員之不到部。不赴閣議。純爲倒靳之謀。三閣員雖不辦事。而北池子曾宅、南池子徐宅之會議。則無日無之。其爲安系倒閣之計畫。即個中人亦自言之矣云云。該報三月十六日之記事。有標題爲「奮鬪中之北京閣潮」之一段。略云。閣潮尙未平息。曾朱李三人依然堅持。未肯出席國務會議。惟第二次辭呈。毫無影響。部中例行公事。照常畫閱。赴津之曾毓雋。亦已回京。聞曾朱李原意。以第一步之同盟缺席。及第二步之聯合辭職。爲推倒靳閣利器。乃行之既久。靳氏迄無退志。而閣議開會。如故。此時若必繼以辭職。萬一激成批准。反恐目的未能企達。而權位先行喪失。實不合算。故日前辭職一事。已絕對不成問題。又據某方面消息。安福所行之第一步辭職。第二步避席之計畫。均無效果。現正爲第三步之進行。即囑彼派議員提出彈劾案。業已函電催促分赴各省布置選舉之各議員返京。以便開會。但據個中人云。安福議員。現多脫離。縱能召集。亦無效果。因現在兩院人數。總計尙不滿二百。其不足法定人數。不能開會。固不待言。即能足數。而彈劾案成立與否。尙是疑問。且昨日長江三督軍。已有聯銜密電。分致當局。對於安福倒閣計畫。頗有責言。並請維持靳閣。以支危局。果使安福實行以彈劾爲武器。則外間宣傳主張解散國會之五督軍。難保不再接再厲耳云云。

此關於閣員衝突原因之又一說也。兩說之中。以何說爲近于事實。吾人不暇加以判斷。只在閱者之自爲審查耳。而日人機關紙順天時報。又稱十六日李、朱、曾三總長之出席閣議。並非出於維持靳閣之意思。不過爲

結束新閣起見。暫行出席已耳。並傳十四日上午某使曾訪某巨公。密談閣潮問題。某使當告某巨公。謂外傳某某等省督軍。爲維持新閣。現正策畫一切。某巨公答謂。此事決不能成。談時。適某調查局副總裁某來謁。面呈某邊督親函一封。原函極長。內容係極力維持新閣。某巨公批閱之下。甚爲震怒。對於某邊督。某當局。嘖有煩言。某當局當日請見未蒙接待。翌日復往謁。某巨公頗多責備之詞。某當局乃決意辭職。並請以旬日爲期。某巨公亦息怒。當即召集三總長。令其取銷辭意。暫維持現狀。三總長唯唯聽命。昨日國務會議。遂聯袂出席。某俱樂部方面之要求條件。至此亦不成問題云云。

此項消息如屬確實。則新內閣之前途。正不許遽爲樂觀也。

### 一一 吳師撤防問題

衡州吳佩孚師長。堅請撤防。迭經政府電阻。並請曹經略使。出而阻止。三月八九號前後。外間盛傳吳軍業已開始移動。政府聞之。以爲事關前敵軍隊之移動。影響于時局者。頗大。特急電曹使。極力阻止。而據中報所記載。謂七號晚。曹使有一統密電來京。略謂湘南各軍。近因吳師撤防。多生誤會。且有調兵防吳之事。應請亟電查明阻止云云。並稱湘督張敬堯。於七號有兩萬急電致政府。(一)謂吳師於七日起。斷然撤防。所有前電請發津埠槍械萬支。尙未起運。應請即日放行。以爲編隊填防之需。並請協濟三十萬元。俾供新軍換防開拔軍費及餉項。(二)謂吳師長佩孚。撤兵在即。敬堯爲保護地方治安起見。擬自該軍撤兵之日起。將湘潭、衡山、岳州、攸縣、耒陽等十七處。施行臨時特別戒嚴令。是否有當。伏乞電覆遵行。如屬確實。則張湘督對於吳師之撤防。警備頗嚴。因而曹使或有電請政府制止之舉。亦未可知。而外間又盛傳鄂督王占元。爲吳師撤防問題。迭向北京及曹使。張敬堯交涉。令吳軍勿即撤退。並請政府有以安慰吳軍。一面拒絕張敬堯補充餉械之請求。其用意在預防張吳兩軍之互相衝突。未知確否。

聞吳師撤防之意志甚爲堅決。除先運回官佐眷屬以表示撤防之決心外。其前部部隊張學顏一旅亦已開始向株州、李家市、湘潭、猴子市一帶發動。撤防令朝准。夕即可全部開拔。吳師長並派副官某於鄂省徐家棚車站附近租賃民房一所。爲轉運辦公處。辦理水陸供應。據吳軍中人言。撤防原因有二。(一)因中央欠餉過鉅。難於支持。(二)因某督譏言中傷。不如離開湘境。以息謠詠云云。未悉其言確否。聞該軍官佐眷屬共計七百餘家。約三千餘人。自三月四日起。先後由武長路車運送過鄂。轉京漢路車北上。業將運送完竣。參陸處以吳軍擔任湘南防線八百餘里。當此和局未成。國是未定之際。倘一經移動。不無予南軍以可乘之機會。且以湘鄂唇齒相依。關係密切。特本此意。急電王督軍。務速飛電吳師長。阻止撤防行動。王督亦以保全湘局。即係顧全鄂局。除電中央設法勸阻外。逕致電吳師長勸告。略謂貴軍久成辛勞。自應急謀休養。惟當此大局未靖。軍旅移動。易惹猜疑。務望仍以地方爲重。中止撤防。以安人心等語。似亦未收多大之效果。觀於三月十一日曹經略使之第六次電請允准吳師撤防。而有以知其然也。該電略謂前奉核覆。令即酌量情形。應否准其調回一部。抑或暫緩之處。電覆商辦等語。遵即轉電前方。刻據該師旅長等以中央意旨既准爲一部調回。則移動之處。已須他軍填紮。全部調換。與一部調換。範圍廣狹。雖有懸殊。而變遷之態。即無可免。日前各軍官佐眷屬。已分起北旋。士卒思歸愈迫。空言撫慰。終無以維繫人心。查前此鄂西撤戍。即由鄂督就近撥隊填防。湘省現有軍隊。較鄂爲多。似更不難於措置。仍懇俯念戍卒疲苦。萬難再事淹留。准予全部撤歸。俾慰懷鄉之望。不勝哀懇各等語。合亟代陳。請即察照云云。

吳師撤防之意。甚爲堅決。亦從可知矣。而外報且傳吳師長佩孚。于三月十三日。專電中央。報告撤防順序。略謂職部各師旅。奉准撤回原防。茲將各師旅開拔日期規定。(一)自三月十五日起至二十日止。爲第一混成旅開拔期。(二)自四月一日起至五日止。爲第二混成旅開拔期。(三)自四月十日起至十五日止。爲

第三混成旅開拔期。一自二十日起至二十五日。為三師步旅開拔期。一自五月一日起至五日。為三師砲騎各團開拔期等語。

吳師長果有此項電文與否。現尚無從證實。如其確也。則撤防之舉。更迫不容緩矣。

惟日近又傳吳師撤防之舉。可望中止。據聞軍政兩界要人某督辦。因此事特派員赴保定。賚函曹經略使。大意以北洋團體。素稱固結。值茲大局未定。萬不宜互存疑忌。貽笑南方。湘省為鄂直屏蔽。一有疏失。後患何堪。設想務懇轉令吳部。暫行停止。運送以維湘防等語。曹使當已面允中止。吳師移動云。而當局于三月十八日。曾復張湘督一電。湘防吃緊。務宜切實維持。免致別生變故。衡部撤防。已電曹使轉告吳師長。顧全大局。從緩撤歸云云。若然則吳師之撤防。或可不致即日實現歟。

### 三 戰後經濟調查會之改組

戰後經濟調查會。設立于錢內閣時代。為期已逾一載。至靳內閣時代。乃有改為永久機關之計畫。更名為經濟調查局焉。其條例業已於二月二十七日。以教令第五號公布之。茲照錄於左。

#### 經濟調查局暫行條例

- 第一條 經濟調查局。直隸於國務總理。掌理國內外經濟狀況之調查及研究事項。
- 第二條 經濟調查局。置總裁一人。承國務總理之命。綜理局務。監督所屬職員。
- 第三條 經濟調查局。置副總裁二人。襄助總裁。處理局務。
- 第四條 經濟調查局。置參議十二人。至十六人。承長官之命。審議局務。
- 第五條 經濟調查局。設總務處。置主任一人。事務員四人。至六人。承長官之命。掌理總務處事務。
- 第六條 經濟調查局。得設置各科。分掌局務。

前項分科及其職掌員額由總裁擬定呈由國務總理呈請大總統核定。

第七條 各科置主任、副主任各一人。事務員若干人。承長官之命辦理各本科事務。

第八條 經濟調查局設調查委員會。掌關於研究國內外經濟調查事項。並得陳述關於經濟上之意見。

第九條 調查委員會置委員長一人。副委員長一人。專任委員及委員無定額。

第十條 調查委員會置主任事務員一人。事務員若干人。分掌本會文牘速記事項。

第十一條 總裁特派副總裁參議簡派總務處及各科主任副主任薦派事務員委派。

第十二條 調查委員會委員長由總裁兼任。副委員長專任委員及委員由總裁聘任。主任事務員及事務員委派。

員委派。

第十三條 經濟調查局及調查委員會。因事務之必要得酌用辦事員及書記員。

第十四條 經濟調查局及調查委員會辦事規則另定之。

第十五條 本條例自公布日施行。

該局之重要職員名單如左。

總裁孫寶琦

副總裁郭則澧

王遷斌

參議黃序鵠

景耀月

張益芳

陳銘鑑

常培璋

史澤咸

易宗夔

高仲和

蔣發明

黃齊九

蕭承弼

李慶芳

張武

蕭方駿

吳蓮炬

孔祥柯

調查員為數頗多未及列舉。嗣以孫寶琦力辭總裁之職。乃暫由副總裁郭則澧兼代云。



● 譯 述

S 生譯

外交上之波斯 續前

第四章 波斯與俄國之關係

第一款 緒言

俄國對於波斯之政策。與英國異。其目的在掠奪波斯之領土。擴張俄國之版圖。冀出印度洋或波斯灣。以雄非於世界。積極的而侵略的者也。此政策爲俄皇彼得大帝所計劃。其沒後。皇后代興。寵臣俾倫掌握政權。對於波斯問題。置而不問。因之侵略的行動。一時中斷。至嘉澤麟二世時代。俄波之間。交涉不絕。每有所議。俄國則以武力解決之。此等高壓手段。殊爲領有印度之英國所不能忍。於是衝突之危機。間不容髮。俄國鑒於蟻蚌相持。大非兩國之利。乃變更其方針。以非武力的手段。立南下波斯之策。

第二款 政治的關係

俄國與波斯之關係。始於波斯王塔夫摩斯普一世。時俄國不過一莫斯科王國。其國王谷洛斯奴。使一駐莫斯科英商赴波斯。即爲俄波兩國間交通之濫觴。至在裏海沿岸兩國互相通商。實其後之事也。試舉其後俄波歷史的關係。略述如次。

(一) 俄國革命前。其帝國之祖先。爲莫斯科王密海兒菲多洛威提。一六一八年。波斯之附庸國。有佐爾嘉。求俄國之保護。俄國乃遣使於波斯。議解決之方法。當時波斯領土廣大。羣雄割據。掠奪頻仍。判亂屢起。波斯王政。既不普及。故對於外交。概取延宕主義。而俄波之交涉。遂成一懸案矣。

(二) 彼得大帝之時。有波斯暴徒。襲塞摩夫市。俄商被害者不少。彼得乃遣使於波斯。締結條約。其主要條件。

(a) 波斯須保護俄商。b 俄國得於波斯要地設領事館是也。其後俄人窩蓮斯達視察波斯之結果。知其國內紊亂。達於極度。歸報於俄皇曰。俄取波斯。此其時也。適波斯內亂復起。且有王位篡奪之變。彼得大帝乃派大軍。擁塔摩斯普二世即位。其結果俄國版圖。達於裏海沿岸。然波斯國民。憤俄國之無狀。竟闖入俄境。大肆掠奪。彼得大帝復派大軍。破之一七二九年。結締和約。是為列西脫之約。因之波斯復割數地於俄。而俄國險商。復得自由。通過波斯。以達於印度。及彼得死後。俄政府因其所得之地。極其險惡。經營殊難。乃結岡節之約。還附侵地於波斯。

(二) 彼得大帝死後。皇后即位。寵臣俾倫掌握政權。以來俄波關係。漸呈疎遠之狀。至嘉澤鄰二世。兩國政治的關係。遂以復興。即一七八三年。因佐爾嘉問題。惹引俄波之衝突。一七九五年。俄軍突出波斯。尋以嘉澤鄰二世病殂。俄軍乃還。一八〇一年。俄皇亞歷山大一世立。佐爾嘉始全為俄國所征服。於是高架索散在之波斯諸屬國。聞風響應。皆降於俄。而俄國遂盡有高架索之地。

(四) 一八一三年。俄波兩國。因古里斯丹和約。一時無事。一八二五年。亞歷山大一世死。尼哥拉斯一世即位。因俄國使臣勉西哥拉夫抑留事件。俄波國交復破。俄國乃發大軍。侵入波斯。大破之。一八二八年。依古道爾滿查和約。波斯割耶里班。弗那格克班二國於俄國。且出償金三千萬盧布。

(五) 自是之後。俄國忽變從來侵略的政策。取波斯親善的方針。干戈不動。懷柔備至。蓋俄一面於擴張版圖之後。有整理其內治之必要。一面英國為防備印度計。方於波斯南部扶殖勢力。俄國欲避衝突。故須變更政策也。

(六) 一八四一年。俄國由波斯。取得裏海之阿修爾亞德島。以為海軍根據地。一八四七年。當波士國境問題發生之際。俄國助波斯大獲勝利。一八七二年。波斯王那斯爾丁親訪俄都。表示謝意。一八七九年。俄波關

於哥薩克旅團編成締結條約波斯編制騎兵旅團悉倣俄國之制且聘俄國將校及下士以指揮之稱之曰波斯王陛下哥薩克旅團。

(七)最近波斯革命俄國爲防備國境並保護在留人民計決意派兵命高架索總督由其北部入波斯革命黨大恐一面講求防土之策一面宣布俄國之干涉內政冥喚起世界之輿論然俄國於出兵之先已發通牒於各國說明出兵之理由並示無侵略之意因英俄協商之結果英國率先承認之於是輿論較爲沉靜。

### 第三款 經濟的關係

俄國與波斯接壤立於特殊之地位因之波斯之道路與俄國有密切之關係就中由推哈蘭(波斯首都)至奄澤里港爲俄國出兵於波斯必要之路而由奄澤里港至高架索巴克港航行甚便且於兩國貿易上亦有價值一八九五年俄國助其私立公司投三十萬磅以改築之職是故也又就鐵路而言一八七四年俄國依鐵路技師福烈堅鐵路敷設案得由波斯至達布里茲間鐵路敷設權且其鐵路兩傍五十哩內有採煤之特權一八八九年復遣技師於波斯其勘察之結果由波斯王得由列西脫至查巴爾港鐵路敷設權此等鐵路因列強勢力均衡上固未能成爲事實然俄國之於波斯經營其熱心亦極矣。

爲增進兩國通商發達起見因一八二八年在土耳其滿查地方締結之俄波通商條約附屬議定書第三條甚不適用乃於一九一一年十一月九日在推哈蘭改訂俄波通商條約蓋亦識者之所知也。

至關於波斯公債募集問題最初英國居於有利之地位後當波斯財政困難之際迫其償還波斯王乃轉向俄國求其應募公債俄國以奇貨可居許之卒達數千萬盧布握波斯財政之鎖鑰實有駕凌英國之觀其債權之担保約分四端(a)首以北部稅關及裏海漁業稅之收入充之(b)次以波斯全國稅關之收入充之(c)俄國在波銀行得以波斯政府金庫之資格有保持此等收入之權(d)最後得由高架索經達布里茲

至嘉斯賓車道開鑿及收益之權。又兩國間訂正協約。宣明波斯於一九一〇年以前。一切鐵路敷設權。不得讓與於其他之國云云。是波斯幾爲俄國之獨舞台矣。一九〇七年之英俄協商及其以後之關係。後當詳之。

### 第五章 波斯與德國之關係

#### 第一款 緒言

德國以亞細亞土耳其爲其世界政策之策源地。經之營之。不遺餘力。已略述之。惟其亞細亞土耳其之經營。實非最終之目的。不過設一根據地。先鞏固之。而後徐奪波斯灣上之海上權。以與英抗。同時擾亂波斯。懷柔阿富汗。略印度。出印度洋。以實行其世界政策也。茲試先述德國如何經營亞細亞土耳其。並其勢力已達如何程度。次論德國之波斯擾亂策以結之。

#### 第二款 亞細亞土耳其經營

德國爲掌握亞細亞土耳其計。及講土耳其懷柔策。適一八九九年南阿人塞西爾洛茲訪德皇於柏林。極言德國與其與英爭於南阿。無甯經營小亞細亞之爲愈。德皇深嘉其策。由是亞細亞土耳其經營熱。漸達極度。先是一八三五年。德國已遣摩爾脫格將軍赴土爾其。充土軍教練之任。尋馮德爾葛茲元帥。亦從事於土軍之編制。卒號土軍之父。旋俾伯修太男爵復爲駐土大使。富於機略。扶植勢力於土國者不少。一八八九年德皇不顧俾士麥之勸。親訪土都以博士人之歡心。當時法國已失勢於土。俄國復見疎於土。英國自古拉德斯頓以來。對於土國。亦極冷淡。因是英法俄之於土。既如秦越。而土國殆陷於孤立無援之地位。適於是時。德皇親訪土帝。誠得千載一遇之機。於是土帝爲表示歡迎之意。乃許德國以阿那脫利亞鐵路敷設權。並哈德爾巴峽港之租借權。一八九八年德皇復訪土帝。極盡懷柔之策。同時遊耶蘇靈地巴列斯太音。牢籠耶蘇教徒。

復遊回教靈地達摩斯加斯為保護回教之演說。是兩教徒之人心既得收攬而宗教上政治上之勢力益莫與敵。翌一八九九年復由土帝得延長阿那脫利亞鐵路至巴古達及波斯灣之特許。於是亞細亞土耳其之重要部分於不知不識之間竟歸德國之手。且該地之大動脈既為巴古達鐵路所扼而德國之勢力遂確乎其不可拔矣。茲試舉其既成線於次。

阿那脫利亞鐵路

- 哈德爾巴峽——安葛拉間……………五七八
- 耶斯基塞耶爾——哥尼亞間……………四四五
- 阿利弗耶——阿達巴澤爾間……………九

基羅密達

合計……………一〇三二

巴古達鐵路

- 哥尼亞——加拉普那爾間……………二九一
- 杜拉克——窩斯滿耶間……………一一五
- 脫普拉克加列——亞歷山脫列推間……………五九
- 美西那——安葛拉間……………六七
- 拉鳩——阿波間……………二〇三
- 機拉普爾斯——萊斯巫奄間……………二〇〇
- 巴古達——薩摩拉間……………二〇八

合計

然德國巴古達鐵路之經營勢與英俄法三國相衝突。於是有唱英德俄法共同經營之議者。德國迄不為動。惟允各國之投資。三國相約斷不投資。以困德國。而德國着着進行。竟告成功。且與英法俄三國各相調停。即哥威脫問題。依一九一四年英德協約及英土協約而定。法德關係依一九一四年之協定。互相承認勢力範

圍。俄德關係。依一九〇〇年之妥協及一九一〇年之協商。定敷設權之範圍。於是德國得小亞細亞。美梭波塔米亞。阿那脫利亞一帶。英國得波斯灣及推古里斯河下流一帶。法國得敘利亞。俄國得河爾美尼亞。各劃勢力圈。以免相侵也。

### 第三款 波斯懷柔策與波斯擾亂策

德國與波斯之關係。其經營時間之久。不如英俄。其國土接壤之密。復不如英俄。因是德國施行其世界政策之際。對於波斯有一面懷柔之。一面擾亂之必要。蓋亦自明之理也。

夷考德國之於波斯。其生政治的及經濟的關係。實自一八七二年德人取得由裏海至波斯灣鐵路敷設權始。從來德國在波斯。固有外交代表及領事之設置。究無何等極的進行。至一八七三年德波通商條約成。其第十九條約曰。波斯若與他國開戰。德國應波政府之要求。為平定爭亂計。宜盡完全責任。然當時德國勢力較之英俄極微。故德國更變方針。先圖近東。次及中東。未及二十年。德國果懷柔土耳其。敷設鐵道於小亞細亞。其東漸之勢。駸駸乎不可遏抑。一九〇七年英俄協約成。各劃勢力範圍。設緩衝地帶於其間。德國利用其機。乃入緩衝地帶。極力活躍。煽動國民黨。唱波斯之獨立。已復運動宮中。以與英俄抗。同年德人設學校於波斯。收容生徒七百餘名。以圖扶植德國之勢力。又設德國東方銀行於波斯首都。依借款政策。以取各種經濟上之利益。其計亦已密矣。一九一〇年德國乘俄波間鐵路敷設條約之滿期。為延長巴古達鐵路於波斯。派德國銀行代表。赴推哈蘭。暗中飛躍。事為英俄兩國所覺。對於波斯政府有所警告。德國乃置其議。先與俄國密商。一九一〇年十一月德俄兩皇會於波茲坦。翌年德俄協約即告成立。其詳當另項述之。

德國對於波斯。所以一面懷柔之。一面擾亂之者。蓋欲破英領印度之障壁。與致命傷於英國。同時獲得波斯灣海上權。以與英國爭霸於印度洋也。